

ገድለ : አረጋዊ ።

VITA

ZA-MĪKĀ'ĒL 'ARAGĀWĪ.

EDIDIT

IGNATIUS GUIDI



ROMAE

MDCCCXCVI.

SCP

47,550

ገድለ : ክረጋዊ ።

VITA

ZA-MĪKĀÊL 'ARAGĀWĪ.


EDIDIT

IGNATIUS GUIDI



ROMAE

MDCCCXCVI.



Vita Za-Míkâ'él 'Aragâwî, quam nuper in Actis R. Acad. Lynceorum (1) criticis adnotationibus instructam edidi, cum orationis elegantia, tum narrationibus haud iniucundis, ad veterem Aethiopum historiam pertinentibus, mihi valde idonea visa est, quam literarum aethiopicarum studiosi manibus versent. Quamobrem in praelectionum academicarum usum, textum 'ge'ez'

(1) Memorie della Classe di scienze morali, storiche e filologiche. Ser. 5^a, Vol. II, 1, p. 54.

ex editione critica seorsim edidi, et locum unum vel alterum aperte corruptum ex coniectura emendavi; ceterum qui de codicibus quos secutus sum et de textus, ut aiunt, constitutione certior fieri velit, audeat Acta Acad. Lynceorum modo laudata.

IGNATIUS GUIDI.



በስመ : እግዚአብሔር : ጽኑዕ ። ዘመ
ነ : መንግሥቱ : ዘኢይትዌዳእ ። መልዕ
ልተ : ነፋሳት : ደባትረ : ማይ : ዘያረግ
ዕ ። በከርሠ : ደመና : ማየ : ባሕር : ዘያ
መጽእ ። ወያዐርጎ : በእደ : መላእክት :
እንዘ : ያጌጉእ ። በኅይለ : መባርቅት :
ወነጐድጓድ : እንዘ : ይጹንዕ ። ድልቅ
ልቀ : ወፀዓዐ : እንዘ : ያወክሕ : እስከነ :
ይሰማዕ : መኣዝነ : ዓለም : ርብዕ ። ወ
ይፌንዎ : ውስተ : ገጸ : ምድር : በከመ :
ሥሩዕ ። ለዘርእ : ወለማእረር : ለአጽግ

ቦ : ርኅብ : ወለኦርውዮ : ፅሙእ ። ለባዕ
ል : ወለኅጡእ ። ለእንስሳ : ወለሰብእ ።
ለዓለመ : ዓለም ። አሜን ። ። ።

በስመ : እግዚአብሔር : ወልድ : ዘተ
ወልደ : እምእግዝእትን : ማርያም ። ወለ
ተ : ሐና : ወኢያቄም ። ዘኅረያ : እምቅድ
መ : ዓለም ። ወአፍቀራ : ከመ : ትኩኖ :
እመ : ወለብሰ : ሥጋ : ዘኢሃ : ለቤዝዎ :
አዳም ። ወተመከረ : በእንቲአሁ : በገ
ዳም ። ሐመ : ወሞተ : ወተቀብረ : ወተን
ሥኦ : በሳልስት : ፅለት : ከመ : ዘንቃህ :
እምንዋም ። በዕባዩ : መለኮቱ : ግሩ
ም ። ወአግብኦ : በሰላም ። ውስተ : ገ
ንቱ : ዳግመ : ኅብ : አልቦ : ደዌ : ወሕ
ማም ። ብሔረ : ፍሥሐ : ወሰላም ። ለ
ዓለመ : ዓለም ። አሜን ። ። ።

በስመ : እግዚአብሔር : ጳጳሳጊዳስ :

መንፈስ፡ አብ፡ ወወልድ ። እምህላዌሁ፡
 ዘኢይትበዐድ ። ዕሩዩ፡ መንግሥት፡ ኢ
 ሕጹጽ፡ ወኢፍድፉድ ። ዘተፈነወ፡ በዕ
 ለተ፡ ጎምሳ፡ ላዕለ፡ ደብረ፡ ጽዮን፡ ዐጸ
 ድ ። ወሠረብዎ፡ አፍራስ፡ ጽባሕ፡ ተ
 ላሚድ ። ስቴ፡ ነበልባል፡ ዘኢልማድ ።
 ዘኢይትገሰስ፡ በእድ ። ወተናገሩ፡ ሐዲ
 ሳተ፡ በልሳነ፡ ነሉ፡ ትውልድ ። በጳር
 ቲ፡ ወሚድ ። ለዓለመ፡ ዓለም ። አሜን፡፡፡
 ንጽሕፍ፡ እንከ፡ ዜና፡ ኂሩቱ፡ ወሥነ፡
 ገድሉ፡ ወጽንዐ፡ ትዕግሥቱ፡ ወተሐርሞ
 ቱ፡ ለብፀ-ዕ፡ ወለቅዱስ፡ ብእሴ፡ እግዚአ
 ብሔር፡ ዘሚካኤል፡ ዘውእቱ፡ አረጋዊ፡
 መክብብ፡ ፰ ቅዱሳን፡ ዘደረሰ፡ [በእንቲአ
 ሁ]፡ ያሬድ፡ ቀሲስ፡ ማሕሌታይ፡ ብርሃና፡
 ለኢትዮጵያ፡ በመዋዕለ፡ መንግሥቱ፡ ለገ
 ብረ፡ መስቀል፡ ንጉሥ፡ ወልደ፡ ካሌብ ፤

ጸሎቱ፡ ወበረከቱ፡ ወሀብተ፡ ረድኤቱ፡ የ
 ሀሉ፡ ምስሌን፡ ለዓለመ፡ ዓለም፡ አሜን ።
 ወከመዝ፡ ውእቱ፡ ፀአቱ፡ ለአቡነ፡ ዘሚ
 ካኤል፡ ራብዕ፡ ትውልድ፡ እምእንጦንዮ
 ስ፡ ወመቃርዮስ፡ ወጳኩሚስ ። ወለዝንቱ፡
 ብእሴ፡ እግዚአብሔር፡ ከመዝ፡ ውእቱ፡
 ልደቱ፡ እመንግሥተ፡ ሮም ። ስመ፡ አቡ
 ሁ፡ ይስሐቅ፡ ወስመ፡ እሙ፡ እድና፡ ወ፪
 ሆሙ፡ ጻድቃን፡ እሙንቱ፡ ወፈራህያን፡ እ
 ግዚአብሔር፡ ወወለዱ፡ ፪ ወሉደ፡ ለ፩ ስ
 ሙ፡ ቲዎድሮስ፡ ወለካልኡኒ፡ ስሙ፡ ገብ
 ረ፡ አምላክ፤ ዝውእቱ፡ ዘአስተጋብአን፡ ተ
 ዝካሩ፡ አቡነ፡ ወመምህርን ። ወእሙሰ፡ ሰ
 መዩቶ፡ አብደል፡ መሲሕ፡ ዘበተርጓሚሁ፡
 ገብረ፡ ክርስቶስ፡ ብሂል፤ ወሐፀንዎ፡ በጥ
 በብ፡ ወበፈሪህ፡ እግዚአብሔር፡ ወተምህ
 ረ፡ አሪተ፡ ወነቢያተ፡ ወኩሎ፡ መጻሕፍተ፡

ቅዱሳተ። ወልሀቀ፡ ወጸንዐ፡ በመንፈስ፡ ቅ
 ዱስ፡ ወይገይስ፡ ኅበ፡ ቤተ፡ ክርስቲያን፡
 ነግሀ፡ ወሰርክ። ወሐፀዩ፡ ሎቱ፡ ብእሲ
 ተ፡ እምዐበይተ፡ ቤተ፡ መንግሥት፡ ወአ
 በዩ፡ አውስቦ፡ እስመ፡ እምንእሱ፡ ሕኑጽ፡
 ውእቱ፡ በመንፈስ፡ ቅዱስ። ወእምዝ፡ እ
 ምድኅረ፡ ብዙኅ፡ መዋዕል፡ መጽአ፡ አ
 ብ፡ ክቡር፡ አቡነ፡ ዘሚካኤል፡ እምሮም
 ያ፡ ወበጽሐ፡ ተባይዳ፡ ብሔረ፡ ጽርዕ፡ ዘ
 ውእቱ፡ ደውናስ፡ ኅበ፡ ሀሎ፡ አባ፡ ጳ
 ኩሚስ፡ አበ፡ መነኮሳት፡ ሠራዔ፡ ማኅበ
 ር፡ ዐቢይ። ወተራከቦ፡ ፩ እመነኮሳት፡ ወ
 ይቤሎ፡ እምአይቱ፡ መጻእከ፡ እስመ፡ ሕ
 ፃን፡ ወላሕይ፡ አንተ ፤ ወይቤሎ፡ እም
 ነ፡ ሮምያ፡ መጻእኩ፡ እስመ፡ ብዩ፡ መፍ
 ቅድ፡ ኅበ፡ አባ፡ ጳኩሚስ። ወዘንተ፡ ሰ
 ሚያ፡ አብአ፡ ጽምሚተ፡ ኅበ፡ አባ፡ ጳ

ኩሚስ ። ወሶበ ፡ ርእዮ ፡ ቅዱስ ፡ ሰዐሞ ፡
 ወአፍቀሮ ፡ እስመ ፡ ጸጋ ፡ እግዚአብሔር ፡
 ኅዱር ፡ ላዕሌሁ ። ወይቤሎ ፡ በእንተ ፡ ም
 ንት ፡ መጻእከ ፡ ኅቤየ ፡ ወነገሮ ፡ ኩሎ ፡ ኅ
 ሊናሁ ፡ ወይቤሎ ፡ መጻእኩ ፡ ከመ ፡ እኩ
 ን ፡ መነኮሰ ፡ ከማከ ። ወይቤሎ ፡ አወል
 ድየ ፡ ትክልኑ ፡ ከዊነ ፡ መነኮስ ፤ እስመ ፡
 ወልደ ፡ መንግሥት ፡ አንተ ። ወይቤሎ ፡
 መንግሥትሰ ፡ ዘበምድር ፡ ኅላፊ ፡ ውእቱ ።
 ወይቤሎ ፡ አባ ፡ ጳኩሚስ ፡ ኢይምሰልከ ፡
 ቀሊለ ፡ ግብረ ፡ ምንኩስና ፡ እስመ ፡ ብዙ
 ኃን ፡ እለ ፡ መጽኡ ፡ ኅቤየ ፡ ወስእኑ ፡ ት
 ዕግሥተ ። ወይቤሎ ፡ አቡን ፡ ዘሚካኤል ፡
 ለአባ ፡ ጳኩሚስ ፡ አመክረኒ ፡ ኪያየኒ ፡ አ
 አባ ፡ ወርኢ ፡ ምግባርየ ፤ ወይቤሎ ፡ አን
 ተ ፡ አመክር ፡ ርእሰከ ፡ ወይቤሎ ፡ አሆ ፡
 ወነበረ ፡ ኅዳጠ ፡ መዋዕለ ፡ ምስሌሆሙ ።

መፍትወኬ : እንከ : ይደሉ : ከመ : ንንግ
 ር : በእንተ : ብጽሐቱ : ኅበ : አባ : ጳኩ
 ሚስ : በከመ : ነገረነ : ቅድመ : ወዘከመ :
 ተስእለ : በእንተ : ምንኩስናሁ :: ወይቤሎ :
 ተመክር : ወልድዮ : ንስቲተ : እስመ : ይቤ :
 መጽሐፍ : ሶበ : ተሐውር : ትትቀነይ :
 ለእግዚአብሔር : አስተዳሉ : ነፍሰከ : ለ
 ሕማም : እስመ : በእሳት : ያሜክርዎ : ለ
 ወርቅ : ወለብእሲኒ : ጻድቅ : በሕማመ : ተ
 ጽናስ :: ወቅዱስሰ : አቡነ : ዘሚካኤል : ር
 ኢዮ : ዘንተ : ኩሎ : ጸማሆመ : ወትጋሆ
 መ : ለቅዱሳን : ተምህረ : እምኔሆመ :: ወ
 አፍቀሮ : ፊድፋደ : አባ : ጳኩሚስ : በእ
 ንተ : ሥነ : ምግባሩ : ወሃይማኖቱ : ወ
 አልበሶ : አልባሰ : ምንኩስና : ወይቤሎ :
 ይባርክ : እግዚአብሔር : አስኬማከ : በከ
 መ : ባረከ : ላዕለ : አባ : እንጦንዮስ : ወአ

ባ : መቃርስ : አበውዮ :: ወእምድጎረ : አ
 ልበሶ : አባ : ጳጥሚስ : ሰመዮ : ዘሚካኤ
 ል : ወኮኖ : ወልዶ : ምእመን : ዘከመ : አ
 ምሳሊሁ : ወወልደ : ፲ ወ ፱ ዓመት : እም
 አመ : ተወልደ : እስከ : አመ : ነሥአ :
 አስኬማ : ቅድስተ :: ወነበረ : በጾም : ወበ
 ጸሎት : በዐቢይ : ትጋህ : ወበብዙጎ : ጽ
 ሙና : እስመ : መፍቀሬ : ጽድቅ : ውእ
 ቱ :: ወተሰምዐ : ዜናሁ : በኩለሄ : ወበኩ
 ሉ : አህጉር : እስከ : ሮም : ሀገረ : አቡሁ ::
 ወዓዲ : ጎለይኩ : እንግር : እንዘ : እብል :
 እፎ : እክል : አነ : ድኩም : ወፅቡሰ : ጎሊ
 ና : ከመ : እዜኑ : ኩሎ : ገድለ : ዚአሁ ፤
 መነ : ይክል : ነገረ : ጸማሁ : ወትዕግሥ
 ቱ : አይ : ልቡና : ወአይ : ልሳን : ወአይ :
 ከናፍር : ዘይክል : አብጽሖተ : ገድሉ :
 ወፈጽሞ : ጸማሁ ፤ በከመ : ይቤ : ዳዊት :

ብዙኅ ፡ ሕማሞሙ ፡ ለጻድቃን ፤ ወካዕበ ፡
ይብል ፡ ሐዋርያ ፡ ኅዳጠ ፡ ሐሚመክሙ ፡
ውእቱ ፡ ይፌጽም ፡ ለክሙ ፡ ። ። ።

ወሰሚያሙ ፡ ከመ ፡ ለብሰ ፡ አልባሰ ፡
ምንኩስና ፡ አቡኅ ፡ ዘሚካኤል ፡ ወመነን ፡
ዓለመ ፡ በእንተ ፡ ክርስቶስ ፡ እንዘ ፡ ሕፃን ፡
ውእቱ ፡ መጽኢ ፡ ኅቤሁ ፡ ቅዱሳን ፡ ሮም ፡
አባ ፡ ሊቃኖስ ፡ ዘቀስጥንጥንያ ፡ ወአባ ፡
ይምዓታ ፡ እምሀገረ ፡ ቆስያት ፡ ወአባ ፡
ጽሕማ ፡ እምአንጾኪያ ፡ ወአባ ፡ ጉባ ፡ እም
ቂልቅያ ፡ ወአባ ፡ አፍጼ ፡ እምእስያ ፡ ወ
አባ ፡ ጳንጠሌዎን ፡ እምሮምያ ፡ ወአባ ፡ አ
ሌፍ ፡ እምቄሳርያ ። ወበጽሑ ፡ ኅበ ፡ ሀለ
ዉ ፡ አባ ፡ ጳኩሚስ ፡ ወዝንቱ ፡ አቡኅ ፡ ዘ
ሚካኤል ። ወሶበ ፡ ርእዮሙ ፡ ለአኅዊሁ ፡
ተፈሥሐ ፡ በመንፈሱ ፡ ወተአምኑ ፡ ወተ
ሐቀፉ ፡ ወተሳዐሙ ፡ በበይናቲሆሙ ፡

ወይቤልዎ : ለአባ : ጳኩሚስ : አልብሰን :
 አስኬማ : ዘመነኮሳት : ለነኒ : ኦአባ : ክቡ-
 ር : ወይቤሎሙ : ትክሉኑ : አውሉድዩ :
 ጸዊረ : አርዑተ : ምንኩስና : እስመ : ዕጹ-
 ብ : ወክቡድ : ውእቱ :: ወይቤልዎ : እወ :
 ንክል : እግዚአብሔር : ይረድአን : በጸሎ-
 ትክ ፤ ዝሕፃን : ዘኮነን : መርሐ : ውስተ :
 ዛቲ : አንቀጽ : ከመ : ንባእ : ለነኒ : ከማ
 ሁ : አልብሰን : ኦአባ :: ወሶቤሃ : አልበሶ
 ሙ : አልባሰ : ምንኩስና : ወባረክ : ላዕሌ
 ሆሙ : ወሰመዮሙ : አስማቲሆሙ : ዘለ
 ለ፩፩ : ወነበሩ : ኅቡረ : ፰ አኅወ : ምስለ :
 መምህሮሙ : አባ : ጳኩሚስ : ብዙኅ : ዓ
 መታተ : እንዘ : ይትመሀሩ : ግብረ : ምን
 ኩስና : ወሥርዐተ : ማኅበር : በብዙኅ :
 ጸማ : ወትጋህ : በአርምሞ : ወበትዕግሥ
 ት : ወአትሕቶ : ርእስ :: ወይቤልዎ : ለአ

ቡኝ ፡ ቅዱስ ፡ ዘሚካኤል ፡ ብፅዓን ፡ ለከ ፡
 ዘኮንከነ ፡ መርሐ ፡ ኅበ ፡ ዛቲ ፡ ፍኖት ፡ ከመ ፡
 ኄር ፡ ኖላዊ ፡ ዘየዐቅብ ፡ መርዔቶ ። ወበ
 እንተዝ ፡ ተሰምየ ፡ አረጋዊ ፡ በእንተ ፡ ጥ
 በቡ ፡ ወምክሩ ፡ እንዘ ፡ ንኡስ ፡ ውእቱ ፡
 እንከ ፡ በአካለ ፡ ሥጋ ፡ ምሉአ ፡ አእምሮ ፡
 ወሞገስ ፡ ወውፋየ ፡ ጸጋ ። ወአመ ፡ በጽ
 ሐ ፡ ጊዜ ፡ ፍልሰቱ ፡ ለአባ ፡ ጳጡሚስ ፡ ጸ
 ውዖ ፡ ለቴዎድሮስ ፡ ወልዱ ፡ ወአኅዘ ፡ ጽ
 ሕሞ ፡ ወይቤሎ ፡ አዕፅምትየ ፡ ለእመ ፡ ኅ
 ብኡ ፡ አውፅእ ፡ እምህየ ። ለቴዎድሮስሰ ፡
 መሰሎ ፡ ዘይቤሎ ፡ ከመ ፡ ኢይኅድግ ፡ ሥ
 ጋሁ ፡ ኅበ ፡ ቀበሩ ፡ አላ ፡ ከመ ፡ ያፍልሶ ፡
 ኅበ ፡ ካልእ ፡ ገጽ ፡ በጽሚት ። ወቦ ፡ ባ
 ዕድኒ ፡ ዘአዘዘ ፡ ብዙኅ ፡ ከመ ፡ ይዕቀቦ
 ሙ ፡ ለአኅው ፡ በሥርዐተ ፡ ማኅበር ፡ እን
 ተ ፡ ነበሩ ፡ ቀዲሙ ። ወይቤሎ ፡ ቴዎድሮ

ስ : ሠናዩ : ኦኦብዮ : ዘትቤለኒ : እገብር :
 ለከ : ነሎ : ዳእሙ : ጸሊ : በእንቲአዩ :
 ኅበ : አምላክከ : ከመ : ይዕቀበኒ : በሥር
 ዐትከ : ወበሕግከ ። ወይቤሎ : አባ : ጳኑ
 ሚስ : ተአመን : ባሕቱ : ነሎ : ይትገበር :
 ለከ : አወልድዮ ፤ ወሶቤሃ : ወፅአት : መን
 ፈሱ : ቅድስት : እንዘ : ትትቀነይ : ለእግ
 ዘኢብሔር : አመ ፲ ወ ፪ : ለግንቦት : በሀ
 ገረ : ጽርዕ : በሰላመ : እግዚኢብሔር ፤ ጸ
 ሎቱ : ወበረከቱ : ወምሕረተ : አምላኩ :
 ለአቡን : ጳኑሚስ : አበ : መንኮሳት : የሀ
 ሎ : ምስሌን : ለዓለመ : ዓለም : አሜን ።
 ለቴዎድሮስ : ወለአባ : አርሴስን
 ዮ : ረሰይዎሙ : አበ : ህዩንቴሁ : ለአ
 ባ : ጳኑሚስ : ለምኔታት : ወፈድፋደ
 ስ : አፍቀርዎ : ለአባ : ቴዎድሮስ : እስ
 መ : ምእመን : ውእቱ : በኅቤሆሙ ፤ ቃሉ

ኒ : ምሉአ : ሞገስ : ወይፌውስ : ነፍሰ :
 ብዙኃን : ወተፈሥሐ : አኅው : እስመ :
 ረከቡ : ሠናዩ : ረአዬ : ዘይክል : ዐቂበ :
 ሥርዐተ : ማኅበር : በከመ : ሥርዐተ : ሕ
 ገ : መምህሮመ : ። ወለእሉኒ : ቅዱሳን :
 ፰ አኅው : ርአዮ : ሥነ : ጽድቆመ : ወ
 ፍቅሮመ : በበይናቲሆመ : አፍቀሮመ :
 ፈድፋደሰ : ለብፁፅ : አቡነ : ዘሚካኤ
 ል : እስመ : የአምር : እምቅድም : ነሎ :
 ሥነ : ምግባሩ : ወነበሩ : ኅቡረ : በጾም :
 ወበጸሎት : በከመ : ያለምዱ ።። ወእምዝ :
 መጽአት : እሙኒ : እድና : ሶበ : ሰምዐ
 ት : ዜና : ወልዳ : ወነገርዎ : በእንቲአሃ :
 ወይቤልዎ : መጽአት : ንግሥት : እድና :
 እምከ : ወነዓ : ሐር : ወተራከባ ። ወአ
 ውሥኦ : ወይቤሎመ : አንሰ : ኢየሐው
 ር : ኅበ : እምየ : እስመ : ተፈለጥኩ : እ

ምኒሃ ፡ በእንተ ፡ ክርስቶስ ፡ ወይቤሎ ፡
 አባ ፡ ቲዎድሮስ ፡ ሑር ፡ ፍጡን ፡ ኅብ ፡ እ
 ምክ ፡ እስመ ፡ መጽአት ፡ እምርሑቅ ፡ ብ
 ሑር ፡ በእንቲአክ ፤ ወይቤሎ ፡ ለአባ ፡
 ቲዎድሮስ ፡ ኢሰማዕካኑ ፡ ዘይቤ ፡ ወንጌ
 ል ፡ ቅዱስ ፡ ወይቤልዎ ፡ ለእግዚእነ ፡ ነያ ፡
 እምክ ፡ ወአኅዊከኒ ፡ የኅሥሡክ ፡ ወይ
 ቀውሙ ፡ አፍአ ፡ ወይቤሎሙ ፡ እግዚእነ ፡
 ኢየሱስ ፡ እለ ፡ መኑ ፡ እሙንቱ ፡ እምየ ፡
 ወአኅወየ ፡ ወአኃትየ ፡ ዘእንበለ ፡ ዘገብ
 ረ ፡ ፈቃዶ ፡ ለአቡየ ፡ ዘበሰማያት ፡ ወበ
 እንተዝ ፡ ኢይክል ፡ ሐዊረ ፡ ወለአከት ፡
 እሙኒ ፡ እድና ፡ እንዘ ፡ ትብል ፡ ተዘከር ፡
 ወልድየ ፡ እንተ ፡ ጸርኩክ ፡ በከርሥየ ፡ ፱
 አውራኅ ፡ ወሐፀንኩክ ፡ በአጥባትየ ፡
 ኢትመንነኒ ፡ በእንተ ፡ ኅጢአትየ ፡ አወ
 ልድየ ፡ አምሐልኩክ ፡ በእግዚአብሔር ፡

በዘኅረዩክ ፡ ለርስቱ ፡ አርእየኒ ፡ ገጸክ ። ወ
 ሰአልዎ ፡ ወይቤልዎ ፡ ኢትግበር ፡ አክ
 ባ ፡ አሆ ፡ በላ ፡ ለእምክ ፡ ዘመጽአት ፡ ገዲ
 ፋ ፡ ብዕለ ፡ ወክብረ ፤ ተዘከር ፡ ዘረከባ ፡ ሀ
 ፈ ፡ ወድካመ ፡ እምርሕቅት ፡ ፍኖት ። ወ
 ሐረ ፡ ኅቤሃ ፡ ፍጡነ ፡ ወተራከባ ፡ ወይቤ
 ላ ፡ በእንተ ፡ ምንት ፡ መጻእኪ ፡ አእምዩ ።
 ወትቤሎ ፡ እሙ ፡ አነኒ ፡ መጻእኩ ፡ ከመ ፡
 እልበስ ፡ አልባሰ ፡ ምንኩስና ፡ ከማክ ። ወ
 ተፈሥሐ ፡ ውእቱኒ ፡ ሶበ ፡ ሰምዐ ፡ እምእ
 ሙ ፡ ዘትቤ ፡ እሉበስ ፡ አልባሰ ፡ ምንኩ
 ስና ። ወገብአ ፡ ፍጡነ ፡ ወነገሮ ፡ ለአባ ፡ ቱ
 ዎድሮስ ፡ ወአልበስዎ ፡ አልባሰ ፡ ምንኩስ
 ና ፡ ወአንበርዎ ፡ ምስለ ፡ እሙ ፡ ለአባ ፡ ቱ
 ዎድሮስ ፡ እስመ ፡ ይእቲስ ፡ ነበረት ፡ ቀዲ
 ሙ ፡ ምስለ ፡ መነኮሳት ፡ ለቢሳ ፡ አልባሰ ፡
 ምንኩስና ፡ ወእኅቱ ፡ ለአባ ፡ ጳኩሚስ ፡ ሀለ

ወት : እመ : ምኔት : ለአኃት : ወይእቲ :
 መካን : ንስቲት : ርሕቅት : እምኔተ : አኅ
 ው : ወይእቲሰ : ኮነት : እሞን : ለብዙኃት :
 መነኮሳይያት :: ወ፩እንከ : አረጋዊ : ፈራ
 ሄ : እግዚአብሔር : ዘስሙ : ጴጥሮስ : ሢ
 ሞ : ከመ : የሐውጾን : ለአኃት : እስመ : ጠ
 ቢብ : ወማእምር : ውእቱ :: ወእመቦ : እም
 ውስተ : መነኮሳት : ዘመጽአት : እሙ : አ
 ው : እኅቱ : አው : እምአዝማዲሆሙ : ይ
 ፌንውዋ : ኅቤሆን : ምስለ : ጴጥሮስ : አረጋ
 ዊ :: ወከማሁ : ይእቲኒ : እድና : እመ : አ
 ቡን : ዘሚካኤል : ነበረት : እንዘ : ትትሜ
 ሀር : እምኔሆን : ወኮነት : መሥመሪተ : ለ
 እግዚአብሔር :: :: :: ::

ወውእቱሰ : አቡን : ዘሚካኤል : ዘተ
 ሰምየ : አረጋዊ : ነበረ : ከመዝ :: ቦ :
 አመ : ይትለአክ : ለአኅዊሁ : ወቦ : አ

መ : ይትለአክ : ለቤተ : ማኅበር : ወቦ :
አመ : ይትለአክ : ለቅዱስ : ቴዎድሮስ :
መምህሩ ። ወልሀቀ : በጾም : ወበጸሎት :
ወበተሐርሞታት : ብዙኃት : ወይሚሀር :
እምዘ : ተምሀረ : ለአኅዊሁ ፤ ወነበሩ : ኅ
ቤሁ : ለአቡነ : ቴዎድሮስ : መጠነ : ፯ ዓ
መት ። ወአቡነሰ : አባ : ይስሐቅ : ዘውእ
ቱ : ገሪማ : አሁሎ : ምስሌሆሙ ። ወእም
ዝ : ኅለዩ : ከመ : ይግብኡ : ውስተ : ሀገ
ሮሙ : ወተሰናአሉ : ምስለ : አቡሆሙ : ቴ
ዎድሮስ : ወምስለ : አባ : አርጴስንዩ :
ወምስለ : ኩሎሙ : ማኅበረ : ቅዱሳን :
ፍቁራን : አኅው ። ወአስተፋኅውዎሙ :
በሰላመ : እግዚአብሔር : ወበጽሑ : ሮም
ያ : ሀገረ : ሙላደ : ሥጋሆሙ ። ወነበሩ :
ኅዳጠ : መዋዕለ : በዐቢይ : ትጋህ : ወበ
ጽሙና : ወበጸሎት : ብዙኅ : እንዘ : ይገ

ብሩ : ተአምራተ : ወመንክራተ ። ወሚጥ
 ዋ : ለሀገረ : ሮምያ : ኅብ : ሃይማኖት : ር
 ትዕት : እንተ : ተመሀርዋ : እምአበዊሆ
 ሙ : ቅዱሳን ። ወካዕብ : ሰምዑ : ወረከቡ :
 እመጻሕፍት : ቅዱሳት : ዘከመ : ወሀባ : ኪ
 ዳነ : ለእግዝእትነ : ማርያም : ከመ : ይኩ
 ንዋ : ዓሥራተ : ምድረ : አዜብ : እለ : ይገ
 ብሩ : ተዝካራ ፤ ወሕዝባኒ : የዋሃን : እመ
 ንቱ : ወነገሥታኒ : ርቱዓነ : ሃይማኖት ።
 ውእቱሰ : ቅዱስ : አቡነ : አረጋዊ : ይሚ
 ሀር : ለኩሉ : ቃለ : ሃይማኖት : እስመ :
 ውእቱ : ቅሱም : በጼወ : መለኮት : ወጥ
 ዑም : ቃሉ : ወፈድፋድ : ጠቢብ : ወማ
 እምር : ወዕቁም : ኅሊናሁ : አዕይንቲሁ
 ኒ : ርቱዐ : ይኔጽራ : ወይፈቅድ : ኩሉ :
 ሰብእ : ይትመራሕ : እንቲአሁ : ፍኖተ :
 እስመ : ኢይፈቅድ : ለባሕቲቱ : አላ : ለ

ኩሉ : ይኔሊ ። ወተነድፈ : ልቡ : በፍቅ
ረ : እግዝእትን : ማርያም : ወበፍቅረ :
ይእቲ : ሀገር ። ። ። ።

ወእምዝ : ወዕክ : በሌሊት : እንበለ : የ
እምሮ : ሰብእ : ምስለ : ፪ ኦርዳኢሁ : እን
ዘ : ይመርሐ : ቅዱስ : ሚካኤል : ወይጸው
ሮ : በክንፊሁ : ወኡብጽሐ : ፍጡን : ሀ
ገረ : አክሱም : ኅበ : ሀለዉ : ንጉሥ : ወ
ጳጳስ ። ወርእየ : ኩሎ : ኑባሬ : ሥርዐታ :
ወእምነታ : ለይእቲ : ሀገር : እንተ : አም
ነት : ዘእንበለ : ሐዋርያት : ወፍጡን : ገብ
አ : ለሮምያ : እምድጎረ : ነበረ : ኅዳጠ :
መዋዕለ : ወዜነዎሙ : ለኡጎዊሁ : ወነገ
ሮሙ : ኩሎ : ዘርእየ : በአዕይንቲሁ ፤ አጎ
ዊሁኒ : ሶበ : ሰምዑ : እምቃለ : አፋሁ :
ተፈሥሐ : ዐቢየ : ፍሥሐ : ወተባህሉ :
በበይናቲሆሙ : ንሐር : ንሕነኒ : ኅበ : ይ

እቲ : ሀገር ። ወንደ : አልባቢሆሙ : ለእ
 ሙንቱ : ቅዱሳን : በላህበ : ሃይማኖት : ዘ
 ክርስቶስ ። ወወፅኡ : ፍጡን : ምስለ : ቁ
 ሳቀሶሙ : ወምስለ : ታቦቶሙ : ወምስ
 ለ : ከህናቲሆሙ : ወምስለ : ንዋየ : ቅድ
 ሳቲሆሙ : ወምስለ : መጻሕፍቲሆሙ : ወ
 ምስለ : ኩሉ : ሕዘቢሆሙ ። ወበጽሑ : ሀ
 ገረ : አክሱም : እንዘ : ይመርሖሙ : አቡ
 ነ : ዘሚካኤል : በከመ : አእመረ : ቀዳሚ :
 ፍኖታ : ኅበ : ሀለዉ : ንጉሥ : ወጳጳስ ።
 ወሶበ : ርእይዎሙ : ተፈሥሖ : ዐበየ : ፍ
 ሥሖ : ወአፍቀርዎሙ : ፈድፋድ : በእን
 ተ : ሃይማኖቶሙ : ወሥነ : ጽድቆሙ ።
 ወኮን : ፀአቶሙ : ለእሙንቱ : ቅዱሳን : በ
 ኃምስ : ዓመተ : መንግሥቱ : ለአልዓ
 ሚዳ : ወልደ : ሰልዓዶባ : ዘውእቱ :
 ሳድስ : ንጉሥ : እምኡብርሃ : ወአጽብሖ ።

ወበዓመተ : ወፅኡ : ፳ ቅዱሳን : ለአኩ :
 ኅቤሁ : ለይስሐቅ : ሮምያ : እስመ : ያፈ
 ቅርዎ : ፈድፋደ : ወቅሩበሙ : ውእቱ : በ
 ሥጋ : ወዘመደ : መንግሥት : ኩሎሙ :
 ወወልደ : እኅቱ : ለአቡነ : ዘሚካኤል :
 ውእቱ : አቡነ : ይስሐቅ :: ወተንሥአ :
 ሶቤሃ : በሌሊት : እምድኅረ : ነግሠ : ፯ ዓ
 መተ : ወጾሮ : ገብርኤል : በክነፊሁ : ወአ
 ብጽሐ : ሀገረ : አክሱም : ፍጡነ : ኅብ : ሀ
 ለዉ : ቅዱሳን : ተጋቢአሙ : በጊዜ : ፫ ሰ
 ዓት : ዘመዓልት :: ወሶበ : ርእይዎ : ተፈ
 ሥሐ : ወተሳፀሙ : በበይናቲሆሙ : ወ
 ተሐቀፉ : ክሳውዲሆሙ : ወበከዩ : ብካ
 ዩ : መሪረ : ወአእኩትዎ : ለእግዚአብሔ
 ር : እንዘ : ይብሉ : ስብሐት : ለከ : እግዚ
 አ : አኩቴት : ለመንግሥትከ : ዘአስተጋ
 ባእክነ : እምኩለሂ : በኅሩትከ :: ወሶቤሃ :

አልበስዎ : አስኬማ : ከማሆሙ : ወነበሩ :
 ውስተ : ቤተ : ቀጠን : አሐተኔ : ኅቡረ :
 እንዘ : ይፀመዱ : ጸሎተ ። ንጉሥኒ : ወ
 ጳጳስ : ያነክርዎሙ : ሰበ : ርእዩ : ሥነ : ጽ
 ድቆሙ : ወሳእሳኦ : አፋሆሙ : ወመፀ
 ዛ : ቃሎሙ ። ወነበሩ : እንዘ : ይገብሩ :
 ተአምራተ : ወመንክራተ : ወመላእክተ :
 ሰማይ : ወትረ : ይሔውጽዎሙ : ወእግ
 ዘእነ : ወመድኅኒነ : ይትረአዮሙ : ወኢ
 የኅድግ : ወትረ : ሐውጸዮሙ ፤ ሙታነ :
 ያነሥኡ : ወእለ : ለምጽ : ያነጽሑ : ወአ
 ጋንንተ : ያወፅኡ : ወዕዉራን : ይሬእዩ :
 በጸሎቶሙ ፤ ወቦ : እምኔሆሙ : እለ : አ
 ፍለሱ : አድባረ : ወቦ : እለ : ከፈሉ : ባሕ
 ረ : ወቦ : እለ : ዘርእዎ : ለስርናይ : በነግሀ :
 ወበጊዜ : ሰርክ : አረርዎ : አኪዶሙ :
 ዲባ : ዕፀ : ግራር ፤ ወቦ : እለ : ተከሉ :

ዕፀ : አውልዕ : በጊዜ : ነግሀ : ወበቁለ :
 ሶቤሃ : ወኮነ : ዐቢያ : ዕፀ : ወዩብሰ : ወ
 በጽሐ : ለጽንሐሐ : ጊዜ : ሰርክ ፤ ወዐ :
 እለ : ዐቁሩ : ማዩ : በመንፌ : ወኢተክ
 ዕወ : ማዩ ፤ ወዐ : እለ : ተገንዙ : እም
 ኔሆሙ : በእደ : መላእክት : ወዐ : እለ :
 አብርሀ : እምኔሆሙ : ዐሥሩ : አጸብዒሆ
 ሙ : በጊዜ : ጸሎት ፤ ወዐ : እለ : ተከብቱ :
 እምገጸ : ሞት : በጸጋ : እግዚአብሔር ። ወ
 ተቀደሰት : ምድር : በኪደተ : እገሪሆሙ :
 ወተሐደሳ : አዕጻዳቲሃ : በአንሶስዎቶሙ :
 ወተክዕወ : ውስተ : አድያሚሃ : መዐዛ :
 ቃሎሙ : ወአስተጻንዐ : መሠረተ : እምነ
 ታ : ለኢትዮጵያ : በበአቶሙ : ውስቴታ ፤
 ጸሎቶሙ : ወበረከቶሙ : ወጻማ : ንግደቶ
 ሙ : የሀሉ : ምስሌነ : ለዓለመ : ዓለም : አ
 ሜን ። ወእምዝ : ሞተ : አልዓሚዳ : ንጉሥ :

በ፫ ዓመት : እምዘ : ወፅኡ : ወበከይዎ :
 እሉ : ቅዱሳን : ወኵሉ : ሕዝብ : ወቀበር
 ዎ : ውስተ : መቃብረ : ነገሥት : በክብር ::
 ወነግሠ : ታዜና : አቡሁ : ለካሌብ :: ወነበ
 ሩ : ውስተ : ቤተ : ቀጢን : አማኅቢሮ
 ሙ : እንበለ : ተፈልጦ : እንዘ : ያርእዩ :
 ሥነ : ጽድቆሙ : ከመ : ከዋክብት : ብሩ
 ሃን : እለ : ያንበለብሉ : በገጸ : ሰማይ : ወ
 ከመ : ዕፀወ : ገነት : ምዑዛን : ዘዘዚአሁ :
 ሥነ : ጽጌሁ : ወዘዘዚአሁ : አስካለ : ፍሬ
 ሁ ፤ ብዙኅ : ተአምረ : ወመንክረ : ይገ
 ብሩ : በጸሎቶሙ ፤ ሐንካሳን : ይረውጹ :
 ወበሃማን : ይትናገሩ : ወጽሙማን : ይ
 ሰምዑ : ወመኃትው : ይወርዱ : ዲበ : ማ
 እዩሙ : ዘይበርህ : እምነ : ፀሓይ : ወኢ
 ይጥዕሙ : እክለ : ዘእንበለ : በሰንበተ : ክ
 ርስቲያን : ወቦ : አመ : ይጸውሙ : በበ

ሰኑይ : ወበበረቡዕ : ወበበንሙስ :: ወን
 በሩ : ከመዝ : ኅቡረ : መጠን : ፲ ወ ፪ : ዓ
 መት : ወእሙኒ : እድና : ነበረት : አንጻረ :
 ጎሮሙ : ምስለ : መነኮሳይያት : እለ : ከ
 ማሃ : እለ : ወዕኣ : ምስሌሃ :: ወለውእቱ
 ሰ : አቡን : አረጋዊ : ረሰይዎ : መክብቦ
 ሙ : ወአፍቀርዎ : ከመ : አቡሆሙ :: ወ
 አክበርዎ : ከመ : አምላከሙ : ወሰመይ
 ዎ : ስሞ : አረጋዊ : ጠቢብ : ወማእምር :
 ብሂል : በእንተ : ዘኮኖሙ : መርሐ : በ
 ፍኖት : ከመ : ጴጥሮስ : መርሐ : ሐዋር
 ያት :: ወበሳድስ : ዓመተ : መንግሥቱ : ለ
 ታዜና : ኅለዩ : ወይቤሉ : ንፁ : ንትፈለ
 ጥ : በበይናቲን ፤ ዝሰ : ንብረተ : ተድላ :
 ውእቱ : ወይመስለን : ዘሀለውን : ውስተ :
 ሀገርን : ሶበ : ንትረአይ : ለለ፩፩ :: ወበከ
 ዩ : ብካዩ : መሪረ : ወተሌለዩ : በበይናቲ

ሆሙ ፤ አባ ፡ ሊቃኖስ ፡ ኅብ ፡ ደብረ ፡ ቁ
 ናጽል ፡ ወአባ ፡ ጳጳጠሌዎን ፡ አንጻረ ፡ ዘ
 አሁ ፡ መጠን ፡ ፪ ምዕራፍ ፤ ወአቡን ፡ ይስ
 ሐቅ ፡ ዘውእቱ ፡ ገሪማ ፡ መደራ ፤ ወአባ ፡ ጉ
 ባ ፡ አንጻረ ፡ መደራ ፡ መጠና ፡ ፫ ምዕራፍ ፤
 ወአባ ፡ ጽሕማ ፡ ጌድያ ፤ ወአባ ፡ ይምዓ
 ታ ፡ ገርዓልታ ፤ ወአባ ፡ አሌፍ ፡ አሕስዓ ፡
 እንተ ፡ ትሰመይ ፡ ብሕዛ ፤ ወአባ ፡ አፍጼ ፡
 ያኃ ፤ ዝንቱሰ ፡ አቡን ፡ አረጋዊ ፡ ወዕአ ፡ ለ
 ብሔረ ፡ ምሥራቅ ፡ እንተ ፡ ትሰመይ ፡ እገ
 ላ ፡ ዘምሕዋረ ፡ ፪ መዋዕል ፡ ለኅያል ፡ ረ
 ዋጺ ፡ ወምስሌሁ ፡ እሙ ፡ ዘምስለ ፡ ማት
 ያስ ፡ ረድኡ ፡ ወእንዘ ፡ የሐውሩ ፡ በፍኖ
 ት ፡ በጽሑ ፡ ኅብ ፡ መካን ፡ እንተ ፡ ትሰመ
 ይ ፡ መድንኒት ፡ ወቤቱ ፡ ህየ ፡ እስመ ፡ መ
 ስየ ፡ ብሔር ፡ ወነበረ ፡ ኅቤሃ ፡ መጠን ፡ ፯ ዕ
 ለት ፡ ወሰብአ ፡ ይእቲ ፡ ሀገር ፡ ፀዋጋን ፡ እ

ሙንቱ : ወፀረፉ : ላዕሌሁ : ወጸዐልዎ :
 ወውእቱኒ : ረገሞሙ : እንዘ : ይብል : ት
 ረድ : እሳት : እምሰማይ : በሌሊት : ወ
 ያጥፍእ : ፍሬ : ምድርክሙ ፤ ወኢሐጸ :
 ወሪዶ : አስሐትያ : ላዕሌሃ : እስከ : ዛቲ :
 ዕለት ። ለአሐቲሰ : ሀገር : እንተ : ቅሩባ :
 ባረከ : ላዕሌሃ : ወኅተማ : በትእምርተ :
 መስቀል : እንዘ : ይብል : ኢይትኅጣእ :
 እምኔኪ : ፍሬ : ምድር : ወኢሰብእ : እ
 ለ : የኅድሩ : ውስቴትኪ ፤ ወይኩኑ : ብ
 ዑላነ : ወእለ፡ቦሙ : ሞገስ : ወይትረአዩ :
 አልሀምቲሆሙ : እምርሐቅ : ወአባግዒ
 ሆሙ : ይትዋለዳ : ብዙኅ : በሙፋሪሆን :
 ወኢይትረከብ : በላዕሌኪ : ዐባረ : እክል :
 ወኢሐጸተ : ማይ : ወሳዕር : ለእንስሳ ።
 ውእቱሰ : ባረካ : አእሚሮ : ከመ : ትከውን :
 ተዝካረ : ለርስቱ : እምቅድመ : ይኩን : ለ

ደኃሪ ፡ መዋዕል ፡ ወበእንተዝ ፡ ባረካ ፡ ለት
 ውልደ ፡ ትውልድ ፡ እስከ ፡ ለዓለም ። ወ
 ሕቀ ፡ ኅሊፎ ፡ ረከበ ፡ ፩ ብእሴ ፡ ዘቦ ፡ ጋኔ
 ን ፡ ወየዐውድ ፡ በድወ ፡ ወከልሐ ፡ በዐቢ
 ይ ፡ ቃል ፡ እንዘ ፡ ይብል ፡ ብእሴ ፡ እግዚአብ
 ሔር ፡ ቅዱስ ፡ መጻእከኑ ፡ ታጥፍአኒ ፡ በጸ
 ሎትከ ፤ ወዐተቦ ፡ በትእምርተ ፡ መስቀል ፡
 ወይቤሎ ፡ አርምም ፡ ወአርመመ ፡ ሶቤሃ ፡
 ወኢነበበ ፡ ወተፈፀመ ፡ ወወፅአ ፡ ጋኔን ፡
 እምኔሁ ፡ ወአንሥአ ፡ በእደሁ ፡ ወሐይ
 ወ ፡ ሶቤሃ ፡ ወይቤሎ ፡ ሔር ፡ ውስተ ፡ ሀ
 ገርከ ፡ ወአእኩቶ ፡ ለእግዚአብሔር ፡ በእን
 ተ ፡ ዘአሕየወከ ። ወወድቀ ፡ ታሕተ ፡ እ
 ገሪሁ ፡ ለአቡነ ፡ ብእሴ ፡ እግዚአብሔር ፡
 አረጋዊ ፡ ወይቤሎ ፡ ኢይትፈለጥ ፡ እም
 ኔከ ፡ ለዓለም ፡ እስመ ፡ ፈወስከኒ ፡ እምደ
 ዌየ ፡ ዘነበርኩ ፡ እንዘ ፡ እሣቀይ ፡ መጠነ ፡

ጌ ዓመት ። ወጠብዐ ፡ ወተለዎ ፡ ወኮነ ፡
 ረድኦ ። ወሶበ ፡ ርእዩ ፡ ሰብእ ፡ ሀገር ፡ እ
 ንዘ ፡ ይገብር ፡ ተኣምረ ፡ ወመንክረ ፡ ተ
 ጋብኡ ፡ ኅቤሁ ፡ ዐቢይ ፡ ወንኡስ ፡ እስከ ፡
 ኢያበውሕዎ ፡ ይሑር ፡ ፍኖተ ፡ እምፃዕ
 ቀ ፡ ሰብእ ። ወኅሊፎ ፡ ካዕበ ፡ እምህዩ ፡
 አዕረፈ ፡ ታሕተ ፡ ጽላሎተ ፡ ሆም ፡ እንተ ፡
 ስማ ፡ አውልዐ ፡ ማኅበር ፤ ወይእቲ ፡ ምዕ
 ራፈ ፡ ቅዱሳን ፡ እስከ ፡ ዮም ። ወሰገደ ፡ ሥ
 ልሠ ፡ ሶበ ፡ ርእያ ፡ ለቅድስት ፡ መካነ ፡ ዳ
 ሞ ። ወወሪዶ ፡ ካዕበ ፡ በጽሑ ፡ ኅበ ፡ ጽ
 ንፈ ፡ ፈለግ ፡ ወመጽኦ ፡ ኅቤሁ ፡ ፩ ብእ
 ሰ ፡ ወይቤ ፡ ምንትነ ፡ ውእቱ ፡ ዝንቱ ፡
 ጉባኤ ፡ ወእለ ፡ መኑ ፡ እሙንቱ ፡ እሉ ። ወ
 ይቤልዎ ፡ ዝንቱ ፡ አቡነ ፡ አረጋዊ ፡ እምነ ፡
 ቅዱሳን ፡ እለ ፡ ወፅኡ ፡ እምሮም ፡ ወእንዘ ፡
 የንልፍ ፡ እምሀገርነ ፡ ይፌውስ ፡ ድውያነ ፡

ወያወፅእ ፡ አጋንንተ ፤ ወሰሚያ ፡ ውእ
 ቱ ፡ ወሬዛ ፡ ጎዮ ፡ ውስተ ፡ ቤቱ ፡ ወአም
 ጽአ ፡ ወልዶ ፡ ድውዮ ፡ ጸዊሮ ፡ በዐራት ፡ ወ
 አንበሮ ፡ ታሕተ ፡ እገሪሁ ፡ ወይቤሎ ፡ ፈው
 ሶ ፡ ለወልድዮ ፡ ተማኅፀንኩ ፡ በጸሎትክ ፡ ኦ
 አባ ። ወይቤሎ ፡ አቡነ ፡ አረጋዊ ፡ እግዚእ
 ነ ፡ ኢየሱስ ፡ ክርስቶስ ፡ ያንሥኦ ፡ ወያሕ
 ይዎ ፤ ወሐይወ ፡ ሶቤሃ ፡ ወሮጸ ፡ በእገሪሁ ፡
 ወሐረ ፡ ምስሌሆሙ ፡ እንዘ ፡ ይሄግር ፡ ወ
 ዘንተ ፡ ሶበ ፡ ርእዩ ፡ ሰብአ ፡ ሀገር ፡ አን
 ከሩ ፡ ወተደሙ ፡ እስመ ፡ አልቦ ፡ ዘርእዩ ፡
 ቀዲሙ ፡ እምሀገሮሙ ፡ ዘደፌውስ ፡ ድ
 ውያነ ፡ ወዘያወፅእ ፡ አጋንንተ ። ወበእን
 ተዝ ፡ ተፈሥሐ ፡ ወገብሩ ፡ ይባቤ ፡ እስመ ፡
 ረከቡ ፡ ፅንቄ ፡ ባሕርይ ፡ ክቡረ ፡ ወኢያብ
 ሕዎ ፡ ይሐር ፡ እምብዝነ ፡ ፍቅሮሙ ።
 ወንስቲተ ፡ ኅሊፎ ፡ በጽሐ ፡ ኅበ ፡ ከካተ

ሕ : እንተ : ትሰመይ : ምስንጉ : ወበህዩ :
 ቀደሞ : ነጸራ : ወርእያ : ለቅድስት : መካ
 ነ : ዳሞ : ወበላዕሌሃ : ለንዲር : አደሞ :
 ወነደ : ልቡ : በፍቅራ ። ወበጽሐ : ፍጡ
 ነ : ውስተ : አግዋሪሃ : ወርእየ : እንተ :
 ኅበ : የዐርግ : ወኢረከበ : ወዖደ : ነሉን
 ታሃ : ለይእቲ : ደብር : ወንጥአ : ምዕራ
 ገ : ወይቤ : እስመ : ዛቲ : ይእቲ : መፍ
 ቅድየ : ከመ : እንበር : ኅቤሃ : ወንጣእኩ :
 ምዕራገ : ውስቲታ ። ወዘንተ : ብሂሎ : ሐ
 ረ : ኅበ : ካልእ : ተያጥሮን : ዘምጡቅ : ደ
 ብሩ : ጸድፋኒ : ነዊኅ : ውእቱ : ዘይብል
 ዎ : ስቀራ : ወረከበ : በህዩ : ንስቲተ :
 እንቀጸ : ሙባእ : ወዐርገ : ዲቤሃ ። ወሶ
 በ : በጽሐ : ጊዜ : ሰርክ : ነሥአ : አሐተ :
 ጸሪቀ : ኅብስት : ባረክ : ላዕሌሃ : ወበል
 ዐ : ወኢያትረፈ ። ለቅዱስሰ : አቡነ : አረ

ጋዊ : ይትሐዘቦ : ልቡ : ከመ : ኢኮነት : እ
 ንቲአሁ : ወኢሠምረ : ቦቱ : እግዚአብሔ
 ር : ለንዲር : ውስቴታ ። ወቤተ : ነላ : ሌ
 ሊተ : እንዘ : ይገብር : ጸሎተ : በከመ :
 ያለምድ : እስመ : ትገህ : ውእቱ : ከመ :
 መላእክት ። ወበሳኒታ : ወረደ : ወሐረ :
 ኅበ : ካልእ : ተያጥሮን ፤ ኪያሁሰ : በዐ
 ቅም : ጸድፉ ፤ ዘይትበሀል : ምንግርጋር :
 ወወዐለ : ዲቤሃ : እንዘ : ይገብር : ጸሎ
 ተ : እስከ : ሰርክ ። ወአምጽአ : አሐተ :
 ጸሪቀ : ኅብስት : ወባረከ : ወበልዐ : ወኢ
 ያትረፈ : ወአእመረ : ከመ : ኢኮነት : ክ
 ፍሉ : ኪያሃኒ ። ወቤተ : ህዩ : ነላ : ሌሊ
 ተ : እንዘ : ይገብር : ጸሎተ ። ወሶበ : ጸ
 ብሐ : ሐረ : ኅበ : ደብር : ዘይሰመይ : ሙ
 ኃዝ : ወውእቱኒ : ጸድፍ : ከመ : ቀዳሚ :
 አናቅጽ : ቦቱ : ወሶበ : ኮነ : ጊዜ : ሰር

ክ : ነሥአ : ኅብስተ : ባረክ : ወበልዐ : ወ
 ኢያትረፈ. ። ወአኮ : እንበይነ : ምክንያ
 ተ : መብልዕ : ዘገብረ : ዘንተ : እስመ : ኢ
 ይበልዕ : ዘእንበለ : በኅመስ : ዕለት : ዳ
 እመ : ከመ : ይርአይ : ኅበ : ይወርድ : በ
 ረከት : ወበህዩ : ከመ : ይረሲ : ማኅደ
 ሮ ። እግዚአብሔርሰ : ያአምር : ዘይጎብ
 ር : ኩሎ : ወዘይሀብ : ከመ : ትኩኖ : ም
 ዕራፈ : ለርስቱ ፤ ዛቲ : ይእቲ : ደብረ : በ
 ረከት : መካነ : ዳሞ ። ወወረደ : እምኔሃ :
 ወይቤ : እትመየጥ : ይእዜሰ : ኅበ : ዘቀዲ
 መ : እስመ : አደመኒ : ኅቤሃ : ለነቢር :
 እግዚአብሔርኒ : አምላኪያ : ይፈኑ : ሊ
 ተ : ረድኤተ : በዘአዐርግ : ባቲ ፤ እስመ :
 ያአምር : ኩሎ : ዘሰአለ : ኅቤሀ : ይጎብር :
 ሎቱ ። ወአኅዘ : ይሐር : ኅበ : ደብረ : ዳ
 ሞ : ወእንዘ : የሐውር : ረከበ : አሐተ :

ንቅዕተ ፡ ከኩሕ ፡ እንተ ፡ ባቲ ፡ ማይ ። ወ
 አንበራ ፡ ህየ ፡ ለቅድስት ፡ እድና፡እመ ፡
 ከመ ፡ ትኩን ፡ እመ ፡ ለብዙኃት ፡ መንኮ
 ሳይያት ። ወሰመይዋ ፡ ለይእቲ ፡ ማኅደ
 ር ፡ በአተ ፡ ልም ፤ ቤተ ፡ እምየ ፡ ብሂል ።
 ወእንዘ ፡ የሐውር ፡ በጽሐ ፡ ኅበ ፡ ከኩሕ ፡
 ኩለንታሃ ፡ ወአንበሩ ፡ ሎቱ ፡ መንጸፈ ፡
 ከመ ፡ ያዕርፍ ፡ ንስቲተ ፡ ወከመ ፡ ያርኢ ፡
 ተአምረ ፡ በትሮኒ ፡ አቀመ ፡ ዲቤሃ ፡ ወ
 ሶበ ፡ ተንሥኦ ፡ እምኔሃ ፡ አንሥኡ ፡ ሎቱ ፡
 መንጸፈ ፡ ማትያስ ፡ ወእለ ፡ ምስሌሁ ፡ ወ
 ኮንት ፡ ይእቲ ፡ ከኩሕ ፡ በአምሳለ ፡ ኑኃ ፡
 ወግድማ ፡ ለይእቲ ፡ መንጸፍ ። ወእንዘ ፡
 ጸዐዳ ፡ ይእቲ ፡ ከኩሕ ፡ አስተርአየት ፡ ተ
 ሥዒላ ፡ በአምሳለ ፡ ዘአንበሩ ፡ ላዕሌሃ ፡
 ከዊና ፡ ቀይሐ ። በትሩኒ ፡ ኅበ ፡ አንበ
 ሩ ፡ አስተርአየ ፡ ዕመቁ ፡ ወእስከ ፡ ይእዜ ፡

፴፭

ሀለወት : ለትእምርት : ወኩሉ : ዘበጽሐ :
ኅቤሃ : ይትአምኃ : ከመ : እንተ : ዝኅር :
በእንተ : ዕበዩ : ወክብሩ : ለቅዱስ : ወ
ለብፁዕ : ብእሴ : እግዚአብሔር : አቡን :
አረጋዊ : ጸሎቱ : ወበረከቱ : ወትንብልና
ሁ : የሀሉ : ምስሌን : ለዓለመ : ዓለም :
አሜን ::

ወበጽሐ : ውስተ : እግረ : ሐብል :
ወነበረ : ታሕቲሃ : እንዘ : ይትመሐለል :
ሠሉሰ : መዋዕለ : ወሠሉሰ : ለያልዩ :: ወ
መጽአ : መልአከ : እግዚአብሔር : ቅዱ
ስ : ሚካኤል : ወይቤሎ : ምንትኑ : ያጽ
ህቀከ : አቅዱሱ : ለእግዚአብሔር : ወይ
ቤሎ : አቡን : አረጋዊ : እፈቅድ : እስር
ር : ውስተ : ዛቲ : ደብር : ከመ : እትጋን
ይ : በእንተ : ኅጢአትዩ : ወእትማሕለል :
በእንተ : ጌጋይዩ :: ወይቤሎ : መልአከ :

እግዚአብሔር : ኦኦረጋዊ : ገብረ : አም
 ላክ : መናኔ : መንግሥት : ዘአፍቀርከ : ን
 ዴተ : እምብዕል : ምድራዊ : ተዘግበ :
 ለክ : መንግሥት : ዘበሰማያት : ህዩንተ :
 ዘመነንክ : ዘበምድር : ኅላፊ ፤ አንተሰ :
 ተዐገሥ : ንስቲተ : እስክ : ይፌኑ : ለክ :
 ረድኤተ : በዘተዐርግ ። ወዘንተ : ሰሚ
 ያ : ሐዘነ : ልቡ : ወደንገፀት : መንፈሱ :
 እስመ : ተሰልበ : ልቡ : በፍቅረ : ዚአሃ :
 ወፈቀደ : ይዕርግ : ፍጡነ : ኅቤሃ ። እግ
 ዚአብሔርሰ : ነዊኅ : መንፈስ : አርመ
 መ : ከመ : ይርአይ : ጽንዑ : ትዕግሥቱ :
 ወኢያዕረጎ : ፍጡነ ። ወይቤ : አቡነ : አረ
 ጋዊ : ብፁዓዊ : በምንትነ : አዐርግ : ለ
 ዝንቱ : ደብር : ዐቢይ : ወኢተውህበኒ :
 ክንፍ : ከመ : ንስር : ወኢደመና : ከመ :
 ሐዋርያት ፤ ወአስቆቀወ : ወበከዩ : ብካ

የ : ዐቢየ : ወእምዝ : ካዕበ : መጽአ : መ
 ልአክ : እግዚአብሔር : ኅቤሁ : ዘውእ
 ቱ : ቅዱስ : ሚካኤል : ዘይሔውጶ : ወይ
 ናዝዞ : ወትረ : ከመ : አብ : ወእም : ወይቤ
 ሎ : ኢትፍራህ : ተውህበ : ለክ : ሥልጣን ፤
 ቢት : ወአዕርፍ : ንስቲተ : ውስተ : ዛ
 ቲ : በዐት : እንተ : ይእቲ : መንገለ : የ
 ማነ : ሐብል : ወይፌኑ : ለክ : እግዚአብ
 ሔር : ተመነ : ዐቢየ : ህየንተ : ሐብል : ከ
 መ : ያዕርገ : ዘቆሙ : ፳ እመት ። ወነበረ :
 መጠነ : ፪ ሱባዔ : እንዘ : ይትመሐለል : በ
 ጾም : ወበጸሎት : ወመጽአ : ውእቱ : አ
 ርዌ : ጊዜ : ፫ ሰዓት : ወይቤሎ : ሚካኤል :
 መልአክ : ቅረብ : እስመ : መጽአ : ዘተ
 አዘዘ : ከመ : ያዕርገ : ውእቱ : ከይሲ ። ወ
 ቀርቦ : ኅቤሁ : ወርእዮ : ለክይሲ : ወይቤ
 ሎ : ብፁዕ : አቡነ : ዘሚካኤል : አውርድ :

ዘነበከ ፡ ወአዕርገኒ ። ውእቱሰ ፡ ኢያውረ
 ደ ፡ ዘነቦ ፡ ፍጹመ ፡ ንበ ፡ ሀሎ ፡ አቡነ ፡ አ
 ረጋዊ ፡ ዳእሙ ፡ ንበ ፡ መንፈቀ ፡ ጸድፍ ፡
 ሀሎ ፡ ዘነቡ ። ወይቤሎ ፡ ውእቱ ፡ ከይሲ ፡
 ለአቡነ ፡ አረጋዊ ፡ ምንት ፡ ብከ ፡ ውስ
 ተ ፡ ዛቲ ፡ ደብር ፤ ወተናገሮ ፡ በልሳነ ፡
 እንለ ፡ እመሕያው ፤ ወይቤ ፡ ስማዕ ፡ ከ
 መ ፡ እንግርክ ፤ አልቦ ፡ ምንትኒ ፡ ውስተ ፡
 ዛቲ ፡ ደብር ፡ ዘእንበለ ፡ ሆፍ ፡ ዘይሰርፉ ፡
 ኢኅብስት ፡ ወኢማይ ፡ ዘትሰቲ ፡ ወኢዕ
 ዕ ፡ ንበ ፡ ታጸልል ፡ ታሕቴሃ ፤ ፀሓይ ፡ በ
 መዓልት ፡ ቊር ፡ ወአስሐትያ ፡ በሌሊት ፤
 እሉ ፡ እሙንቱ ፡ ጥሪታ ፡ ለዛቲ ፡ ደብር ።
 ወይቤሎ ፡ አቡነ ፡ አረጋዊ ፡ አውርድ ፡ ዘነ
 በከ ፡ ወግበር ፡ ዘተአዘዝከ ፡ እስመ ፡ እግ
 ዚአብሔር ፡ አልቦ ፡ ዘያኅጥአነ ፡ እምዘ ፡
 ፈቀድነ ። ወዘንተ ፡ ሶበ ፡ ይቤሎ ፡ አውረ

ደ : ዘነቦ : ወሚካኤል : ሊቀ : መላእክት :
 ሀሎ : በየማነ : እኒዘ : ሰይፎ : ከመ : ኢ
 ይደንግፅ : ወከመ : ኢይግበር : ሕሠመ :
 በላዕሌሁ : ውኡቱ : ኦርዌ :: ማትያስ : ረ
 ደኡ : ወኡብያጺሁ : በየማነ : ሐብል : ሀ
 ለወ : ይሬእዩ : ወያነክሩ : በከመ : ለኤ
 ልያስ : መጽኡ : አፍራስ : እሳት : ወሰረገ
 ላ : እሳት : ወመሠጦ : ግብተ : እንዘ : ይኔ
 ጽሮ : ኤልሳዕ : ወከማሁ : አቡነ : አረጋ
 ዊ : እንዘ : ይኔጽርዎ : ኦርዳኢሁ :: ወ
 ፀተበ : ገጾ : በስመ : ሥላሴ : ዲበ : ነ
 ፍሱ : ወዲበ : ከኰተሕ : ወዲበ : ኦርዌ :
 ምድር : ወሶቤሃ : አኅዘ : ዘነቦ : ወአዕረጎ :
 ወወፀፎ : ላዕለ : ወበጽሐ : ግብተ : ው
 ስተ : ደማሐ : ለደብር : ቅዱስ : ወሰገደ :
 ሥልሰ : ወይቤ : ሃሌ : ሉያ : ለኡብ ፤ ሃ
 ሌ : ሉያ : ለወልድ ፤ ሃሌ : ሉያ : ለመንፈ

ስ : ቅዱስ ፤ ወበእንተዝ : ተብህለ : ደብረ :
 ሃሌ : ሉያ ። ተፈሥሐ : ወተሐሥዩ : ወገ
 ብረ : ይባቤ : በእንተ : ዘዐርገ : ዲባ : ደብ
 ር : ወፈጸመ : እግዚአብሔር : ተምኔቶ :
 እንተ : ሰአለ : ለኅዲር : ውስቴታ ። ወ
 ይእቲ : ደብር : ተመልአት : ብርሃን : ኩ
 ለንታሃ : ወተወለጠ : አርአያሃ : ወተ
 ወሰከ : ግርማ : ወሞገሰ : ወከደነ : ላዕ
 ሌሃ : ደመና : ብሩህ ፤ መላእክትኒ : ተጸዐ
 ቁ : ከመ : መደብለ : ማኅበር : ጽፉቅ :
 ወኢያዕርፀ : ሐውጸታ : መዓልተ : ወሌ
 ሊተ : ወኮንዎ : አዕርክተ : ወአብያጸ ።
 ወሶባ : ኮነ : ጊዜ : ሰርክ : ነሥአ : ጸሪቀ :
 ኅብስት : ወባረክ : ላዕሌሃ : ወበልዐ : እስ
 ከ : ይከውን : መንፈቀ : ወጸግባ : በግማ
 ሰ : ኅብስት : ወአእኩቶ : ለእግዚአብሔ
 ር : እስመ : ርእየ : ከመ : ወረደ : በረከ

ት : ላዕሌሃ : ለይእቲ : መካን : እምካልኣ
 ኒሃ : አድባር : እለ : ሐረ : ቀዲሙ : ኅቤሆን :
 ወእሙንቱ : ኢኮኑ : ርሑቃን : አላ : ቅሩ
 ባን : መጠን : ምስማዕ : እዝን ፤ ወለይእቲ :
 ግማሰ : ኅብስት : ገብረ : በአምሳሊሃ : ዕፀ :
 ከመ : ትኩን : ትእምርተ : ለደኃሪ : ትው
 ልድ : ወእስከ : ይእዜ : ሀለወት ። ወአርዳ
 ኢሁኒ : ገብሩ : መዓርገ : እምዕፀ : በቀል
 ት : ነዊኅ : በዘየዐርጉ : ወይወርዱ ። አ
 ቡነሰ : አረጋዊ : ኢበልዐ : እምአሜሃ :
 ምድራዌ : ኅብስተ : እስከ : አመ : ፍልሰ
 ቱ : ወአፍቀራ : ለይእቲ : መካን : እስ
 መ : ረከባ : ምጥቅተ : እምድር ፤ እግረ :
 ዝኑራን : ዘኢይከይድዋ : ወኅያላን : በ
 ንዋየ : ሐቅል : ዘኢይበጽሕዋ : ወአልቦ :
 ዘይክል : ዐሪገ : ኅቤሃ : ዘእንበለ : ኪ
 ያሁ : ዘፈቀደ ። ወበእንተዝ : ፈተወ : ኅ

ዲረ : ጎቤሃ : እስመ : መፍቀሬ : ጽሙና :
ውእቱ : ወይቤ : ዛቲ : ይእቲ : ምዕራፍየ
እስከ : አመ : ፍልሰትየ : እምኔሃ ።

ወእምድጎረ : ጎዳጥ : መዋዕል : ሞተ :
ታዜና : ንጉሥ : ወነግሠ : ካሌብ : ንጉሥ :
ህየንቴሁ ። ወቅዱስሰ : አቡነ : አረጋዊ :
ገብረ : ንስቲተ : ማኅደረ : በአምሳለ : ዳስ።
ወአንበረ : ውስቴታ : ታቦተ : እንተ : ወፅ
አት : ምስሌሁ : ወበእንተ : ቊርባንኒ :
ሰአለ : ጎበ : እግዚአብሔር : ወተወክፈ :
ስእለቶ : ፍጡነ : ወአውረዱ : ሎቱ : መላ
እክት : እምሰማይ : በዘይትገበር : መሥዋዕ
ት : ወቊርባን : ጸሕለ : ዘወርቅ : ወጽ
ዋዐ : ዘብሩር : ወክዳናተ : ዘዲባጋት : ወ
መሶበ : እንተ : ውስቴታ : ጎብስት : ምወ
ቅ : ወጽዋዐ : ዘይደሉ : ለምሥዋዕ ፤ ወለለ
ሰናብት : ወበዓላት : ይትገበር : ሎሙ : ወ

ነበረ ፡ ከመዝ ፡ እስከ ፡ ሕንጻ ፡ መቅደስ ።
 ለማጎደሩስ ፡ ረከበ ፡ ንስቲተ ፡ በዐተ ፡ ወን
 በረ ፡ ውስቴታ ፡ እንዘ ፡ ይገብር ፡ ብዙኅ ፡
 ጸሎታተ ፤ ሌሊተ ፡ እንዘ ፡ ኢይነውም ፡ ወ
 መዓልተ ፡ እንዘ ፡ ኢየዐርፍ ፡ በብዙኅ ፡ ጸ
 ሎታት ። ወወፅእ ፡ ስምዐተ ፡ ነገሩ ፡ ውስ
 ተ ፡ ነሉ ፡ ብሔረ ፡ ምሥራቅ ፡ ወመጽአ ፡
 ኅቤሁ ፡ እለ ፡ በሙ ፡ ደዌ ፡ ወእለሂ ፡ እኑ
 ዛን ፡ አጋንንት ፡ ወይትፌወሱ ፡ በኅይለ ፡ ጸ
 ሎቱ ፡ ወየሐይወ ። ለእመሂ ፡ አንስት ፡ ይ
 በጽሐ ፡ ኅበ ፡ ጉንደ ፡ ደብር ፡ ወይጸርኃ ፡
 ወይነግርዎ ፡ በእንቲአሆን ፡ ውእቱኒ ፡ ይ
 ፊኑ ፡ ፩ እምአርዳኢሁ ፡ ዘውእቱ ፡ ማትያ
 ስ ፡ ወይሁቦ ፡ በሪከ ፡ ማየ ፡ ጸሎት ፡ ወይረ
 ቁ ፡ ላዕሌሆን ፡ ወየሐይዎ ፡ እምደዌሆን ።
 ወመጽአ ፡ ካዕበ ፡ እለ ፡ ኢያአምርዎ ፡ ለ
 እግዚአብሔር ፡ እለ ፡ ይነብሩ ፡ በምሥራቅ ፤

ኖሎተ፡ አጣሊ፡ እሙንቱ፡ እለ፡ ርሐቃን፡
 እምሃይማኖት፤ ኢይዘርኡ፡ ወኢየአርሩ፡
 ዳእሙ፡ በሐሊበ፡ አልሀምት፡ ወአባግዕ፡
 የሐይወ፡ ። ወለእመ፡ ቦ፡ ዘረከቡ፡ ዘቦ፡ እ
 ክል፡ ወአልባስ፡ በፍኖት፡ የሀይዳ፡ ወ
 ይገፍፀ፡ ወይቀትሉ፡ ነፍስ፡ ንጽሕተ፡ ።
 እሉሂ፡ ሜጦሙ፡ በኅይለ፡ ጸሎቱ፡ ኅበ፡
 ሃይማኖተ፡ ክርስቶስ፡ ወኮኑ፡ ክርስቲያ
 ነ፡ ወበርሃ፡ አልባቢሆሙ፡ በመንፈስ፡ ቅ
 ዱስ፡ ወኅደጉ፡ ሀይደ፡ ወቀቲለ፡ ነፍስ፡
 ወነበሩ፡ በበንዋዮሙ፡ ። ወተፈሥሐት፡ ነ፡
 ሉ፡ ሀገሮሙ፡ እስመ፡ ብርሃን፡ ዐቢይ፡
 ሠረቀ፡ ላዕሌሆሙ፡ ለእለ፡ ይነብሩ፡ ሕ
 ዝብ፡ ውስተ፡ ጽልመት፡ ወጽላሎተ፡ ሞ
 ት፡ ። በከመ፡ የሐንስ፡ ዘሰበክ፡ በገዳመ፡
 የርዳኖስ፡ ወይመጽኡ፡ ውስተ፡ ጥምቀ
 ቱ፡ ጽምሚተ፡ ወከማሁ፡ ኮና፡ ለምድረ፡

ምሥራቅ : ቅዱስ : አቡነ : አረጋዊ ። ወገ :
 እለ : አምኑ : በሰሚዐ : ስብከቱ : ለአባ :
 ሰላማ : ወመንፈቆሙ : እለ : ኢአምኑ ፤
 ለእለሂ : አምኑ : አጽንዐ : ዘአሚኖቶሙ :
 ርትዕት : ወለእለ : ኢአምኑ : ሚጦሙ :
 ውስተ : አሚነ : ክርስቶስ ። ኦአባ : ክቡ
 ር : ቅሱም : በጼወ : መለኮት : ቀሰምካ :
 ለልስሕት : በጼወ : ቃልክ : ወአጥዐምካ :
 ለመራር : ወለሕሥምት : አሠነይካ : ወ
 ኮንከ : ሐዋርያሃ : ለኢትዮጵያ : ከመ : ጴ
 ጥሮስ : ወጳውሎስ : ለሮምያ ።

ወአኅዘ : ቅዱስ : አቡነ : አረጋዊ : ይወ
 ስክ : ወያፈደፍድ : ትሕርምተ : ወይጸ
 ውም : ወትረ : ወይዌስክ : ጸማ : በዲበ :
 ጸማ : ወትዕርዝቱ : እንተ : ውስጥ : ልብ
 ሰ : ሠቅ : ወእንተ : አፍአ : ዘአዲም : ወእ
 ገሪሁ : ኢይትኅፁብ : ወውስተ : ማይ : ኢ

ይጠምዖን : ወአልቦ : ዘርእዮ : ዕሩቆ : እ
ምአመ : ነሥአ : አስኬማ : እስከ : አመ : ፈ
ለሰ : ወኢይወፅእ : እምነ : ማኅደሩ : ዘእ
ንበለ : ለጊዜ : ትምህርት : ወበጊዜ : ትወ
ፅእ : ነፍሰ : ቢጸ : ለቀቢር :: ወከመዝ :
ሠርዐ : ርእሶ : ኢይፃእ : እማኅደሩ : ባዕ
ድኒ : አልቦ : ዘይበውእ : ኅቤሁ : ዘእንበ
ለ : ማትያስ : ረድኡ : ይሔውጽ : እንተ :
ኖኅት : ውእቱኒ : በእሙራት : ዕለታት ::
ወ፩መከንን : ሐራ : ይመጽእ : ወትረ : ኅ
ቤሁ : ለቅዱስ : አቡን : አረጋዊ : ወያስተ
በቀሥ : ወያጽሕቦ : እስመ : ቦ : ወለት : እ
ንተ : ባቲ : ጋኔን : ወነበረ : ብዙኅ : እንዘ :
ይገደጉድ : ኖኅቶ : ወእንዘ : ያስተበቀሥ
ዖ : ከመ : ይፃእ : ወይጸሊ : በእንተ : ወለ
ቱ : ወአበዮ : አርኅዎተ : ወይቤሎ : አን
ተ : ብእሲ : ምንተ : ትጸርኅ : ኅቤየ : አ

ነኒ : ሰብእ : ከማከ : ወእመሰ : ተአምን :
 በክርስቶስ : ዘአነ : አመልክ : ሐ.ር : ወ
 በከመ : ተአምን : ጸሊ : ለእግዚአብሔር :
 ወይከውን : ለከ : በከመ : ተአመንከ :: ወ
 ለቱሰ : ውስተ : እግረ : ደብር : ሀለወት ፤
 ወአምነ : ውእቱኒ : ሰሚዖ : ክርስቶስሃ :
 ወነሥአ : ወለቶ : ወሐረ : ወኅደጋ : ጋኔን ::
 ወብዙኅ : ባዕደኒ : ገብረ : እግዚአብሔ
 ር : በእደዊሁ : ተአምረ ::

ወይእተ : አሚረ : ለአከ : ኅቤሁ : ከሌ
 ብ : ንጉሥ : እንዘ : ይብል : ከመዝ ፤ እስመ :
 ተደሎኩ : ከመ : እሐር : እጽባእ : ፀረ :
 እግዚአብሔር : እለ : አማሰኑ : ቤተ : ክ
 ርስቲያን : ወከዐዉ : ደሞሙ : ለሰብአ : ና
 ግራን ፤ ዝንቱ : አረማዊ : ዘስሙ : ፊንሐ
 ስ ፤ እስመ : ለአከ : ኅቤየ : ጢሞቴዎስ :
 ሊቀ : ጳጳሳት : እንዘ : ይብል : ተበቀል : በ

እንተ ፡ ደሞሙ ፡ ለሰማዕታት ፡ ሰብአ ፡ ና
ግራን ፤ እንተኒ ፡ ኦኦዮ ፡ ግበር ፡ ጸሎተ ፡
እስመ ፡ ጸሎተ ፡ ጸድቅ ፡ ትክል ፡ ወታሠል
ጥ ። ወአውሥኦ ፡ አቡነ ፡ አረጋዊ ፡ ወይቤ
ሎ ፡ ለላእከ ፡ ንጉሥ ፡ ሑር ፡ በሰላም ፡ ወያግ
ርር ፡ ፀረከ ፡ ወጸላእተከ ፡ ወያግብአሙ ፡ እ
ግዚአብሔር ፡ ውስተ ፡ እደዊከ ፤ ወለከ
ሂ ፡ የሀብከ ፡ ሞገሰ ፡ ወግርማ ፡ ወያግብእ
ከ ፡ በዳኅና ፡ ወበሰላም ። ወካሌብሰ ፡ ጸድ
ቅ ፡ ንጉሥ ፡ ውእቱ ፡ ወአልቦ ፡ እምኔሁ ፡
እምነገሥታት ፡ ዘይገብር ፡ ተአምረ ፡ ወመ
ንክረ ፡ እንዘ ፡ ሀሎ ፡ በክብረ ፡ መንግሥ
ቱ ። ወሶበ ፡ ዐለዉ ፡ ሰብአ ፡ ቡር ፡ አርኅ
ወ ፡ ሎቱ ፡ እግዚአብሔር ፡ ከርሠ ፡ ምድር ፡
ከመ ፡ ኢይርአይዎ ፡ እንዘ ፡ ይሜርድ ፡ ወ
ኢይጉየዩ ፡ እምኔሁ ፡ ወኢያምሥጡ ፡
ወየአክል ፡ መጠነ ፡ ምሕዋረ ፡ ፫ ፡ ዕለ

ታት : ለኅያል : ረዋጺ ። ወቦክ : እንተ :
 ኅበ : አርኅወ : ሎቱ : እግዚአብሔር : ወ
 ግብተ : በጸሐ : ሠረዎሙ : ወኢያትረ
 ፈ : ፩ እምኔሆሙ : ወአግብአ : ለሀገር :
 ውስተ : እደዊሁ : ወእስከ : ዮም : ሀለወ :
 እንተ : ኅበ : ቦክ : ወእንተኒ : ኅበ : ወዕክ :
 ከዊኖ : ጸፍጸፈ : እብን ። ወሐረ : ከመ :
 ይጸባእ : ወበጽሐ : ሀገረ : ሳባ : ወተጸብ
 አ : ምስለ : ውእቱ : አረማዊ : ወጸንፀ :
 ቀትል : በኅቤሆሙ : በኅይለ : ጸሎቱ : ለ
 ጸድቅ : ንጉሥ : ወጸሎተ : እሉ : ቅዱሳ
 ን : እለ : ተአመነ : በጸሎቶሙ : ወሞአ :
 ወቀተለ : ነሎ : ፀሮ : ወኢያትረፈ : ዐ
 ቢያ : ወንኡሰ : እምብሔረ : ሳባ ። ወቀተ
 ሎ : ለፊንሐስ : ንጉሠ : ሳባ : ጸላኤ : ክ
 ርስቶስ : ወተፈሥሐ : ካሌብ : ወአእከቶ :
 ለእግዚአብሔር : ወሐነጸ : ቤተ : ክርስቲ

ያን : በሀገረ : ናግራን : እንተ : አመዝቦ
 ራ : ዐላዌ : ክርስቶስ : ወወሀባ : ሕፃን :
 ዘማህረክ : ነሎ : እምብሔረ : ሳባ ። ወገ
 ብአ : በትፍሥሕት : ወበሐሜት : ለአክሱ
 ም ። ወኢቦአ : ውስተ : ቤተ : መንግሥ
 ቱ : አላ : ሐረ : ጽምሚተ : ኅዲጎ : መን
 ግሥቶ : ወክብሮ ። ወቦአ : ኅቦ : አባ : ጳ
 ንጠሌዎን : ወይቤሎ : አልብሰኒ : አልባ
 ሰ : አስኬማ ። ወአልበሶ : ሶቤሃ ፤ መንግ
 ሥቶኒ : ወሀቦ : ለገብረ : መስቀል : ወልዱ :
 ወለአክ : ኅቦ : አቡን : አረጋዊ : እንዘ :
 ይብል : እግዚአብሔር : በጸሎትክ : አ
 ግብአኒ : ወለበስኩ : አስኬማ : ዘክርስቶ
 ስ ፤ ጸሊ : በእንቲአዩ : ከመ : ያክሀለኒ : ፈ
 ጽሞ ። ወተፈሥሐ : አቡን : አረጋዊ : ወ
 ይቤሎ : ለላአክ : እንተ : ትኔይስ : ገበር
 ከ : እግዚአብሔር : ይፈጽም : ለከ : ነ

ሎ : ፈቃደክ ፤ ወዘንተ : ሰሚዖ : ሐረ :
እምኔሁ ።

ወነግሠ : ገብረ : መስቀል : ወነበረ :
ዲበ : መንግሥቱ : ወበ ፳ ዓመተ : መን
ግሥቱ : ለባዜን : ተወልደ : ክርስቶስ : ወ
እምባዜን : እስከ : አብርሃ : ወአጽብሐ : ሰ
ብአ : ክርስትና : ኮኑ : ፲ወ፱ነገሥት : ወ
ዓመተ : ሕይወቶሙ : ኮነ : ፪፻ወ፰ወ፬ ።
ወእምአብርሃ : ወአጽብሐ : እስከ : ገ
ብረ : መስቀል : ፱ወመዋዕለ : ሕይወቶ
ሙ : ኮና : ፻ወ፳ወ፬ : ወኮነ : ነሉ : ድ
ሙረ : ፫፻ወ፳ወ፳ ። ወነግሠ : ገብረ : መ
ስቀል : በጽድቅ : ወርትዕ : ወተሰምዐ :
መንግሥቱ : ውስተ : ነሉ : ምድረ : አ
ዜብ : ወአልቦ : ዘተቃወማ : ለመንግሥቱ :
ወአልቦ : ዘኅበ : ይወፅእ : ለጸብእ : ዘእ
ንበለ : ለሐኒጸ : አብያተ : ክርስቲያናት :

እስመ : ነግሠ : በዘመነ : ሰላም :: ወቅዱስ
 ሰ : አቡነ : አረጋዊ : ሶበ : ርእየ : ብዙ
 ኃነ : እለ : ይመጽኡ : ኅቤሁ : ወያጽህቅ
 ዎ : ወኢየሳይግዎ : ከመ : ይትበሐተው :
 ለጸሎት : ወለጽሙና : ፈቀደ : ከመ : ይት
 ኅባእ : እግዚአብሔርሰ : ኢያርሐቆ : ወ
 ኢያብሐ : ይሐር : ፈቂዶ : ከመ : ይኩ
 ን : ለሕንጻ : ዚአነ : ወለሕንጻ : ባዕዳ
 ን : እለ : እምድኅሬነ : ወአእሚሮ : ከመ :
 ብዙኅ : ፍሬ : ይፈሪ : በውስቴታ : ብዙ
 ኃን : እለ : ጽሑፋን : በመንግሥተ : ሰማ
 ያት : ከመ : ከዋክብተ : ሰማይ : ወከመ :
 ጥፃ : ባሕር : ኅያላን : ሰብእ : እለ : ይ
 ፊውሱ : ድዉያነ : ወያነሥኡ : ሙታነ :
 በከመ : ይቤ : በወንጌል : ኢትክል : ተከብ
 ቶ : ሀገር : እንተ : መልዕልተ : ደብር :
 ትነብር : ወኢያንትዉ : ማኅቶተ : ከመ :

ያንብርዋ : ታሕተ : ከፈር : ዘእንበለ : ከ
መ : ያንብርዋ : ዲበ : ተቅዋማ : ወታብር
ሀ : ለኩሉ ። ወበእንተዝ : ኢተክህሎ :
ተኅብአ : እምሰብእ : ወተዐውቀ : በኅበ :
ነገሥት : ወበኅበ : ጳጳሳት : ወበኅበ : ዐ
ቢይ : ወንኡስ ። ወሶበ : ርእየ : ከመ :
ኢተክህሎ : ተከብቶ : አስተጋብአ : ኅሊና
ሁ : ወሚጠ : ልቦ : ውስተ : ምኔቱ : ወአኅ
ዘ : ይጸሊ : በከመ : ያለምድ : ወኢተሀ
ውከ ። ወይመጽኡ : ብዙኃን : ድዉያን :
ወይፌውሶሙ ፤ ለእለሂ : ድዉያን : ነፍ
ስ : እለ : ነበሩ : በማእሰረ : ኃጢአት :
ይጸሊ : በእንቲአሆሙ : ወይመይጦሙ :
ኅበ : ንስሐ : ወይገብሩ : ጽድቀ : ወየሐ
ይዉ ።

ወበዓመተ : ነግሠ : ገብረ : መስቀል :
መጽኦ : ኅቤሁ : ለአቡነ : አረጋዊ : እ

ንዘ : ሀለወ : ውስተ : በዐቱ : ከመ : ይባር
 ክ : መንግሥቶ : ወከመ : ይፈጽም : ጸ
 ህቆ : በእንተ : ሕንጻ : መቅደስ :: ወበጽ
 ሐ : ፍጡን : ደብረ : ዳሞ : ውኅደገ : ሠራ
 ዊቶ : ታሕተ : ደብር : ወዐርገ : ባሕቲቶ :
 ምስለ : እሊአሁ : ኅበ : ቅዱስ : አቡን :
 አረጋዊ : ወሰገደ : ሎቱ : ታሕተ : እገሪ
 ሁ : ወተአምኖ : በአምኃ : መንፈሳዊት :
 ወአስተብቀኖ : ወይቤሎ : ባርከኒ : ኦኦ
 ባ : ኪያየ : ወመንግሥትየ : ወኵሎ :
 ሠራዊትየ :: ወአውሥአ : ቅዱስ : አረጋ
 ዊ : ወይቤሎ : እግዚአብሔር : ይባርክ :
 መንግሥተክ : በከመ : ባረክ : መንግሥተ :
 ዳዊት : ወሰሎሞን : እምሔውክ : ወከ
 መ : ባረክ : መንግሥተ : ካሌብ : አቡክ :
 ወያኑኅ : መዋዕሊክ : ወይዕቀብ : ሠራዊተ
 ክ : ወያግርር : ፀረክ : ወጸላእተክ : ታሕተ :

እገሪከ : ወኩን : ዘትኄሊ : ለአብያተ :
ክርስቲያናት : ለዕቤር : ወለእንላ : ማው-
ታ ፤ ወአትሐተ : ርእሶ : ገብረ : መስቀ
ል : ወይቤ : አሜን : ለይኩን ። ወነበሩ :
ኅቡረ : እንዘ : ይምዕዶ : በዘይጸንዕ : መን
ግሥቶ : ወበዘይመውእ : ፀሮ ። ወይቤ
ሎ : ገብረ : መስቀል : ኦአቡዮ : ኅበ : አይ
ቴ : መካን : ዘአሐንጽ : ቤተ : ክርስቲያን :
አርእየኒ : እስኩ ፤ ወተንሥአ : ሶቤሃ : ወ
አርአዮ : ኅበ : የሐንጽ ። ወሶቤሃ : አዘዘ :
ንጉሥ : ዕደወ : ኅያላን : እለ : ይገዝሙ :
ዕፀወ : ወእለ : ያስተጋብኡ : አእባነ : ወኅ
ሠሠ : ዕደወ : ጠቢባነ : ወለባውያነ : እ
ለ : የአምሩ : ሐኒጸ : ወአዖደ : ዐዋዴ : ለ
ኩሉ : ብሔረ : ምሥራቅ : ከመ : ይጸሩ :
ዕፀወ : ወእብነ : ወመሬተ : ዘርሑቅ : ወ
ዘቅሩብ ። ወካዕበ : አዘዘ : ከመ : ይግበሩ :

መንኰራኩራተ : ሰረገላት : ከመ : መዓር
 ጋተ : ጽርሕ : በዕፀው : ወበእብን : ወየእ
 ክል : ግድመ : ፯ በእመት : በዘየዐርጉ :
 ቦቱ : ሰብእ : ወእንስሳ : ጸዊሮመ : ዕፀው :
 ወእብነ : ወማየ :: ወሐነጸ : በክብር : በብ
 ዙላ : ትጋህ : ዘመንክር : ርእየቱ : ወዘያ
 ስተፌሥሕ : ኅሊና : ወይሰልብ : አልባ
 በ :: ወተፈጸመ : ሕንጸታ : በ ፪ ዓመ
 ት : እምዘ : ነግሠ : ወወሀበ : ሕሂሃ : አል
 ባሰ : ቀጠንተ : ወጸሕለ : ዘወርቅ : ወዘብ
 ሩር : ወጽዋዓተኒ : ዘወርቅ : ወዘብሩር :
 ወወሀበ : መስቀለ : ፲ ወ ፪ : ዘወርቅ : ወዘ
 ብሩር : ወወሀበ : ወንጌላተ : ለቢጦ : በ
 ወርቅ : ወበብሩር : ወመልእክተ : ጳውሎ
 ስ : ወመልእክተ : ሐዋርያት : ዘወርቅ :
 ወዘብሩር : ወመንጠዋልዐኒ : ኩሎ : በ
 በሥርዐቱ :: አክበራ : ወአዕቢያ : እስ

መ : ቀዳሚት : ይእቲ : ወአልቦ : ዘአቅደ
መ : ሐኒጾተ : ዘእንበሌሃ : እምኡብያተ :
ክርስቲያን : ዘእንበለ : አክሱም : እሞን :
ለአህጉር : ወወሀባ : ኩሎ : ዘአኅዘ : ቤ
ተ : መንግሥት :: ወአምጽአ : ጳጳሰ : ወ
ቀደሳ : ወኅተማ : በቅብአ : ሚሮን : ወ
አብአ : ወስቴታ : ታቦተ : ዘአምጽአ : ም
ስሌሁ : ማኅበረ : በኩር : ወታቦተኒ : ዘ
ወሀባ : ንጉሥ : ወለውእቱኒ : ማኅበረ : በ
ኩር : ለቢጦ : በወርቅ : ወበብሩር ፤ ወታቦ
ተኒ : ዘእግዝእትን : ማርያም : አሠርጊዎ :
ምስሌሁ :: ወአስተብቀዕዎ : ለቅዱስ : አ
ቡን : አረጋዊ : ከመ : ይቀድስ : ቀርባን :
ንጉሥኒ : ወጳጳስኒ ፤ ወእቱሰ : አቡን :
አረጋዊ : የዋሀ : ልብ : ወርኅሩኅ : ኅሊና :
አሆ : ይቤሎሙ : ወሶቤሃ : ቦአ : ከመ :
ይቀድስ : ቀርባን :: ወአውረዱ : ሎቱ :

ልብሰ : ቅድሳት : እምሰማይ : ኅብስተ :
 ወጽዋዐ : ወኩሎ : ሥሩዐ : በዘይደሉ ።
 ወወረደ : መንፈስ : ቅዱስ : ላዕለ : ቊር
 ባን : እንዘ : ይሬእይዎ : ክሡተ : ወተ
 ቈረቡ : ንጉሥ : ወጳጳስ : ወኩሎሙ : ሕ
 ዝብ : እለ : ሀለዉ : አሜሃ ። ወወሀቦ :
 እግዚአብሔር : ኪዳነ : ከመ : ይኩንዎ :
 ዓስራተ : እለ : ተቈረቡ : በእዴሁ : ለአቡ
 ነ : አረጋዊ : ወአልቦ : ዘአእመረ : ዘእንቦ
 ለ : ባሕቲቱ ። ወወሂአ : ንጉሥ : ገብረ :
 መስቀል : አስተጋብአ : ነዳያነ : ወምስኪ
 ናነ : ወኩሎ : ዐበይተ : መንግሥቱ : እ
 ለ : ሀለዉ : ውስተ : ደብር : ወእለ : ታ
 ሕተ : ደብር : ወገብረ : ዐቢዩ : በዓለ : በ
 አጽግቦ : ርጉባን : ወበአልብሰ : ዕሩቃን :
 በእንተ : ቅዳሴሃ : ለቅድስት : ቤተ : ክር
 ስቲያን ። ወቤተ : ይእተ : ሌሊተ : ህዩ :

ወበጽባሕ : ተካየደ : ኪዳነ : ከመ : ኢይጋ
 ድጎ : ኢብሞቱ : ወኢብሕይወቱ : በጊ
 ዜ : ጸሎቱ :: ወአትሐተ : ርእሶ : ንጉሥ :
 ገብረ : መስቀል : ወይቤሎ : አባ : ባርከኒ :
 ወአስተፋንወኒ ፤ ወአኅዘ : ርእሶ : ቅዱስ :
 አቡነ : አረጋዊ : በእደዊሁ : ቡሩካት : ወ
 ባረከ : ላዕሌሁ : እንዘ : ይብል : በረከተ :
 ነቢያት : ወሐዋርያት : በረከተ : ጸድቃን :
 ወሰማዕት : ወበረከተ : እግዝእትነ : ማር
 ያም : ይባርክ : ላዕሌከ : ወኩን : ግሩመ :
 እምነ : ነገሥተ : ምድር : ወይጸሐፍ : ስ
 ምክ : በመንግሥተ : ሰማያት ፤ ወይቤ :
 አሜን : ለይኩን :: ወባረከ : ላዕለ : ሕዝብ
 ኒ : አንጺሮ : እደዊሁ : ወይቤሉ : አሜ
 ን :: ወእንዘ : ይወርድ : ንጉሥ : እምደብ
 ር : ይቤሎ : ለአቡነ : አረጋዊ : እኅድግኑ :
 ዘንተ : መዓርገ : ወሚመ : እደምስስኑ ::

ወአውሥኦ : አቡን : አረጋዊ : ወይቤሎ :
 ደምስስ : ኪያሁሰ : ወኢትኅድግ :: ወግ
 በር : ሐብለ : ህዩንቴሁ : ለአርዌ : ምድር :
 በዘዩዐርጉ : ቦቱ : ከመ : ይኩን : ተዝ
 ካረ : ለትውልደ : ትውልድ : ወከመ : ይ
 ሴባሕ : እግዚአብሔር : በአፈ : ነሉ : ዘ
 ርእዩ : ዘንተ : ተአምረ :: ወእምድኅረ : ወ
 ረደ : ደምስስ : ውእተ : መዓርገ : ወገብ
 ረ : ሐብለ : በከመ : አዘዘ : አቡን : ወበ
 እንተዝ : ተብህለ : ደብረ : ዳሕምሞ ፤
 ወሐረ : ንጉሥ : በሰላም : ፍኖቶ :: ወመ
 ጽኡ : ኅቤሁ : እምብሔረ : ምሥራቅ :
 ብዙኃን : ሰብእ : ከመ : ያልብሶሙ : አስ
 ኬማ : ቅድስተ : ሰሚዖሙ : ዜና : ኅሩ
 ቱ :: ቦ : እለ : ኅደጉ : አንስቲያሆሙ : ወቦ :
 እለ : ኅደጉ : ክብሮሙ : ወብዕሎሙ : ወ
 ቦሂ : ደቂቅ : እለ : ይፈቅዱ : ይትመሀሩ :

ጎዲጎሙ ፡ አውስቦ ፡ ከመ ፡ ይኩኑ ፡ መ
 ነኮሳተ ። ወመሀሮሙ ፡ ግብረ ፡ ምንኩስ
 ና ፡ ከመ ፡ ይዕቀቡ ፡ ሃይማኖተ ፡ ወይንቦ
 ፋ ፡ በንጽሕና ፡ ወአመከሮሙ ፡ በከመ ፡
 ይደሉ ፡ በብዙኅ ፡ ተግሣጽ ፡ ወእምዝ ፡
 አልበሶሙ ፡ አልባሰ ፡ ምንኩስና ። ወሀለ
 ወት ፡ አሐቲ ፡ ፈለግ ፡ በታሕተ ፡ ደብር ፡
 እንተ ፡ ትወፅእ ፡ እምከኩሕ ፡ ወኩሉ ፡
 ዘይፈቅድ ፡ ይመንኩስ ፡ ይወስድዎ ፡ ጎብ፡
 ይእቲ ፡ ማይ ፡ ወያጠምቅዎ ፡ እምኔሃ ፡ ወ
 ያዐርግዎ ፡ ውስተ ፡ ደብር ፡ ወያሉብስዎ ፡
 አልባሰ ፡ ምንኩስና ፡ ወትሰመይ ፡ ይእቲ ፡
 ማየ ፡ ምርቃይ ፡ ወእስከ ፡ ይእዜ ፡ ሀለወት ፡
 ትሰመይ ፡ ከያሃ ። ለቅዱስሰ ፡ አቡነ ፡ አረ
 ጋዊ ፡ ወፅእ ፡ ስሙዓተ ፡ ነገሩ ፡ ውስተ ፡ ኩ
 ሉ ፡ አጽናፈ ፡ ዓለም ፡ ወመጽኡ ፡ እምሥ
 ራቅ ፡ ወእምዕራብ ፡ እምሰሜን ፡ ወእምደ

ቡብ : ወለለጽባሕ : ይትዌሰኩ : ወበዝ
 ኅ : መነከሳት : ፈድፋድ : ወይሚህሮሙ :
 ፍቅረ : ወትሕትና : ጸመ : ወጸሎተ : ሰጊ
 ደ : ወትጋህ : ከመ : መላእክት : መዓልተ :
 ወሌሊተ : በከመ : ያለምድ : ውእቱ ። ው
 እቶሙኒ : ይትዌከፉ : ምህሮቶ : ወይተል
 ወ : ኪያሁ ፤ ወዐ : እምኔሆሙ : እለ : የ
 አምሩ : ጽሐፈ : ወዐ : እለ : ይሰፍዩ : ለ
 ግብረ : ደብተራ : ወዐ : እለ : የአምሩ : ኪ
 ነ : ወተግባረ : ወዐ : እለ : ይትለክኩ :
 ለግብረ : ማኅበር ። አረጋዊሰ : አቡነ :
 ሶበ : ርእየ : ዘንተ : እንዘ : ይፀዐቅ : ሰብ
 እ : ኅቤሁ : ወይቤ : ሐሰ : ሊተ : እግዚ
 ኦ : ኢትግበር : ዘንተ : እስመ : ወፃእኩ :
 እምሀገርየ : ከመ : እኩን : ፈላሴ : ወነግ
 ደ : አፍቂርየ : ጽሙና : ወብሕትውና :
 ወኰሉ : ሰብእ : ይፀዐቅ : ኅቤየ : ወኢ

የጎድጎኒ : እትበሐተው ። ወእምዝ : መ
 ጽአ : ቃል : እምሰማይ : ዘይብል : ኦአ
 ረጋዊ : ኢታንጎርጉር : በእንተዝ : እስ
 መ : እንበይነዝ : ተጸዋዕክ : ከመ : ትኩ
 ን : አበ : ብዙኃን : ወመርሐ : ዐዋው
 ርት : ከመ : ጴጥሮስ : ርእሰ : ሐዋርያት ።
 ወእምዝ : አርመመ : ወወሰክ : ፈሪሆቶ :
 ለእግዚአብሔር : ወፈድፋድ : ይትዐቀ
 ብ : ልቡ : በከመ : ጽሑፍ : እስመ : ጥ
 ቀ : ያነክር : ግብሮ : ለክርስቶስ : አኮ : ክ
 መ : በሐቲቶ : እንተ : ታስተርኢ : ትሕ
 ርምተ : ዘየዐቅብ : አላ : ዓዲ : ግእዘ
 ኒ : ይጽህቅ : ከመ : በሕገ : እግዚአብ
 ሔር : ይቁም : ፍጹመ : አንጺሐ : ርእሶ :
 እንዘ : ይሴፎ : እንተ : ተዐቢ : ተስፋ :
 እንተ : ጽንሕት : በሰማያት ። ወእምዝ :
 አኅዘ : ያንብብ : መጻሕፍተ : ወይፈክር :

ሎሙ : እንዘ : ያጳነግል : ከመ : ኩሉ : ይ
 ስማዕ : ዘለለ፩ : እምውስቴቶን : ወይዕቀብ :
 ትሕትና : ወየውሀተ : ወአሚን : በከ
 መ : ይቤ : እግዚእን : አእምሩ : እምኔየ :
 ከመ : የዋሀ : አን : ወትሐት : ልብየ ::
 እስመ : ዘንተ : ተመሀርን : እምአበው :
 ቀደምት : እምእለ : የሐይወ : ምስሌሁ :
 ብዙኅ : መዋዕለ :: እስመ : ኩሎሰ : ዘሰማ
 ዕን : ኢንክል : ጽሐፊ : እምኅበ : ማትያ
 ስ : ወየሴፍ : አርዳኢሁ : አላ : መንፈ
 ቆ : ዘተክሀለን :: ወመጽአ : ካልአትኒ :
 ደናግል : ኅዲጎን : እለ : ፈኅርዎን :
 ወአቢያን : አውስቦ : አፍቂሮን : ከመ :
 ይንበራ : በድንግልናሆን : በእንተ : ክ
 ርስቶስ : ወይኩና : መነኮሳይያተ :: ወፈ
 ነወ : ፩ እምደቂቁ : ዘስሙ : ጴጥሮ
 ስ : ሠናይ : ወአረጋዊ : ውእቱ : ከመ :

፳፭

ይምሀሮን : ወያልብሶን : አልባሰ : ምንኩ
 ስና : ወእምዝ : አልባሰን : ወአወፈዮ
 ን : ለእሙ : እድና : ቅድስት : ከመ : ትፅ
 ቀቦን : በሥርዐተ : ምንኩስና ፤ ወነበራ :
 ኅቡረ : ምስሌሃ : በጾም : ወበጸሎት : በ
 ጽሙና : ወበየውሀት : ብዙኅ : መዋዕለ ።
 ወሞተት : እሙ : እድና : ቅድስት : ፈ
 ጺማ : ጸሀቃ : በሠናይ : ርሥእና : ከዊና : መ
 ሥመሪተ : ለእግዚአብሔር : ወወፅአት :
 ነፍሳ : አመ፡፬፡ለወርኅ : ጥር : ወወደያ :
 ፩ ሰንዱን : ላዕሌሃ : ወጸራሃ : ወአብጽሐሃ :
 ታሕተ : ሐብል : ወመጽኡ : ቅዱሳን :
 ወተቀበልዋ : ወአዕረግዋ : ወአብጽሕ
 ዋ : ኅበ : ሀሎ : አቡኅ : ቅዱስ : ዘሚካኤ
 ል ። ወሶበ : ርእያ : ለእሙ : ሐቀፋ : ወ
 ሰዐማ : ወይቤ : ስብሐት : ለእግዚአብ
 ሔር : ዘአርትዐ : ፍኖታ : ወፈጸመ : ጸሀ

ቀ : ንግድታ : ለእምዩ ። ወገንዛ : በሐሜላ
ት : ዘመነኮሳት : ወተግሁ : አንድ : መነ
ኮሳት : በመዝሙር : ወበጸሎት : እንዘ :
ይበክዩ : ብካዩ : መሪረ : ተዘኪሮሙ : ንግ
ደታ : ወፍልሰታ : መኒና : ብዕለ : ወመን
ግሥተ : ወቀበርዋ : ውስተ : ዝኅር : ሐ
ዲስ : ዘአውቀረ : አቡነ : አረጋዊ : ከመ :
ይኩን : ለመቃብረ : እሙ ። እስመ : ከመ
ዝ : ሥርዐቶሙ : ለምኔተ : አቡነ : ጳጳሚ
ስ ፤ ለእመ : ሞተት : አሐቲ : እመነኮሳ
ይያት : እለ : ይነበራ : ማዕድተ : ተከዜ :
ያመጽአሃ : ኅበ : አንድ : መነኮሳት : ወ
ይትቁበልዋ : ወይቀብርዋ : ውስተ : ዝኅር
ሙ ፤ ጸሎታ : ወበረከታ : ወሀብተ : ረድ
ኤታ : ይዕቀቦሙ : ወይትማሕፀኖሙ : ለኩ
ሎሙ : ክርስቲያን : አሜን ። ። ።

ወበውእቱ : መዋዕል : ሀለወ : ያሬድ :

ቀሲስ ፡ ዘኡብርሃ ፡ ለኢትዮጵያ ፡ በማሕሌ
 ተ ፡ ሀሌ ፡ ሉያ ፡ ዘተምህረ ፡ እምኅበ ፡ መ
 ላእክት ፤ እስመ ፡ ነበረ ፡ ቀዲሙ ፡ ምስለ ፡
 ቅዱሳን ፡ በአክሱም ፡ እንበለ ፡ ይትወሀ
 ብ ፡ ሎቱ ፡ ረድኤት ፡ እንዘ ፡ ይስእል ፡
 ቃለ ፡ እግዚአብሔር ፡ በአስተሐምሞ ፡ ብ
 ዙኅ ። ወበመዋዕሊሁ ፡ ለገብረ ፡ መስቀ
 ል ፡ ንጉሥ ፡ ተከሥተ ፡ ሎቱ ፡ ቃለ ፡ እግ
 ዚአብሔር ፡ እስከ ፡ ያአምር ፡ ንቃወ ፡ ያ
 ፍ ፡ ወእንስሳ ፡ ከመ ፡ ይንብብ ፡ ሐዲስ ፡
 ወብሉዩ ፡ ተምሂሮ ፡ ጾታ ፡ እምኅበ ፡ መ
 ላእክት ፡ ወአስተካልሐ ፡ ደቂቃ ፡ ለም
 ድረ ፡ አዜብ ፡ በዜማ ፡ ሐዲስ ፡ ወዘሰም
 ዐ ፡ እምቃሉ ፡ እንዘ ፡ ይንብብ ፡ ቃለ ፡ መ
 ዝሙር ፡ ይመሥጥ ፡ ኅሊናሁ ፡ ወይሰል
 ብ ፡ ልቡናሁ ፤ ሕሙምኒ ፡ ይረስዕ ፡ ሕ
 ማሞ ፡ ሕዙንኒ ፡ ይረስዕ ፡ ሐዘኖ ። እ

ስመ : ተውህቦ : ስብሐተ : መላእክት : በ
ዲበ : ምድር ። ወበእንተዝ : ተፈሥሐ :
ንጉሥ : ወጳጳስ : ወኩሎሙ : አብያተ :
ክርስቲያናት : ዘኢትዮጵያ : ሰሚዖሙ :
ጸታሁ : ለያሬድ : እስመ : ረከቡ : ሐዲ
ሰ : ትምህርተ : ዘይኬልሕ : በቃለ : መ
ዝሙር : ዘኢሰምዑ : ቀዲሙ ። ወበእ
ንተዝ : አክበርዎ : ወአፍቀርዎ : ፈድ
ፋደ : ንጉሥኒ : ወጳጳስ : ወኩሎሙ : ሕ
ዝብ ። ወአሚሃ : ይአተ : አሚረ : መጽ
አ : ያሬድ : ቀሲስ : ከመ : የሐውጸ : ለአ
ቡን : አረጋዊ : ወከመ : ይርአይ : ቤተ :
ክርስቲያን : ዘሐነጸ : ገብረ : መስቀል : ወ
ይክላሕ : ውስቴታ : በቃለ : መዝሙር ።
አቡነሰ : አረጋዊ : አቅደመ : ተነብዮ : ወ
ይቤሎሙ : ለደቂቁ : ያሬድ : ካህን :
መጽአ : ኅቤነ : ከመ : የሐውጸነ ። እስ

መ : ተውህበ : ሎቱ : መንፈስ : አእምሮ :
 ወያኔምር : ኩሎ : ዘይከውን : እምቅድ
 መ : ይኩን ። ወእንዘ : የሐውሩ : አርዳኢ
 ሁ : ያሥግሩ : ዓሳ : ማትያስ : ወዮሴፍ :
 መጽአ : ያሬድ : ቀሲስ : ወተራከቦመ :
 በማዕድተ : ፈለግ : በእግረ : ዐቀብ : ወተ
 አምኖመ : ወይቤሎመ : ዳኅንኑ : ዝ
 አቡክመ : አረጋዊ : ወይቤልዎ : ዳኅ
 ን ፤ ወይቤሎመ : ዳግመ : ዝስኩ : አ
 ቡክመ : አረጋዊ : ጻድቅ : ውእቱ :
 ዘከኖመ : መርሐ : በፍኖት : ለአግብር
 ተ : እግዚአብሔር ። ወዐርገ : ሶቤሃ : ው
 ስተ : ደብር : ወበጽሐ : ኅበ : ሀሎ : አቡ
 ነ : አረጋዊ : ወተአምኑ : ወተሓቀፉ : እ
 ስመ : እምትካት : ያአምሮ : ወበጽሐ :
 ኅበ : ቤተ : ክርስቲያን : ወሰገደ : ሥል
 ሠ : ወነጸረ : ሥነ : ሕንጻሃ ፤ ተፈሥሐ :

ወከልሐ : በቃለ : መዝሙር : ወይቤ : ይ
 ሔውጽዋ : መላእክት : እለ : በሰማያት :
 ይሔውጽዋ : መላእክት : እስመ : ማኅደ
 ረ : መለኮት : ይእቲ : ፤ ሆድክዋ : ሆድክዋ :
 ሆድክዋ : ወርኢኩ : ሥነ : ሕንጹሃ : ለቅ
 ድስት : ቤተ : ክርስቲያን ። ። ።

ወነበረ : ምስሌሁ : ብዙኅ : መዋዕለ :
 እንዘ : ይዛዋዕ : በቃለ : መዝሙር :
 ወተፈሥሐ : ቦቱ : አቡነ : አረጋዊ :
 በሰሚዐ : ዜማሁ : ለያሬድ ። ቅዱስ
 ሰ : አቡነ : አረጋዊ : ይሜሀር : ሃይማ
 ኖተ : ወይመይጦሙ : ለብዙኃን : ኃ
 ጥአን : ንበ : ንስሐ : ሰሚዖሙ : ቃለ :
 ንባቡ : እስከ : ሶበ : ሥዩማን : ወሐራ :
 የኅድግዎ : ለክበደ : ሕይወት : ዘዝን
 ቱ : ዓለም : ወይከውኑ : መነኮሳተ ።
 ወከመ : እንተ : ዐቃቤ : ሥራይ : ተው

ሀበ : ሎቱ : እምኅበ : እግዚአብሔር : ብ
 ሔረ : ምሥራቅ :: መኑ : እንዘ : ሕዙን :
 ውእቱ : የሐውር : ኅቤሁ : ወኢይገብእ :
 ፍሠሐ ፤ መኑ : ዘመጽአ : እንዘ : ይላሐ :
 ወበጊዜሃ : ኢይነግፍ : ላሐ ፤ መኑ : እን
 ዘ : ይትመዐዕ : ይመጽእ : ወኢይትመየጥ :
 ውስተ : ተፋቅሮ ፤ መኑ : ወሬዛ : ወንኡ
 ስ : ዘዐርገ : ውስተ : ደብሩ : ወበርኢዮ
 ቱ : ወበሰሚዐ : ቃሉ : ለአቡነ : አረጋዊ :
 ዘኢይሚንን : ፍትወተ : ዝንቱ : ዓለም :
 ወኢያፈቅር : ንጽሐ : ወጽማዌ ፤ መኑ :
 ውእቱ : ዘጋኔን : ያሚክሮ : ወመጸአ : ኅ
 ቤሁ : ዘኢኅደጎ : ጋኔኑ ፤ ወመኑ : ውእ
 ቱ : መጸአ : ዘለምጽ : ኢነጽሐ ፤ ወመ
 ኑ : ውእቱ : ዘመጽአ : ኅቤሁ : ዘበኅሊና
 ሁ : ይትሀወክ : ወበጊዜሃ : ኢለበወ : ኅ
 ሊናሁ ፤ መኑ : ዘይክል : ጥንቁቀ : ነጊረ :

አብጽሐተ : ገድሉ : ወተአምሪሁ : ወዜ
 ና : ውዳሴሁ :: ወባሕቱ : ክሂልሰ : ወስብ
 ሐት : ወኅይል : ወዕበይ : ወሥልጣን :
 ለአብ : ወወልድ : ወመንፈስ : ቅዱስ : ዋ
 ሕድ : እግዚአብሔር : እስመ : እምኅቤሁ :
 ዝንቱ : ሁሉ : ኮነ : ወበጸጋ : ረድኤቱ : ተኅዩ
 ለ : ዝንቱ : አብ : ለዝንቱ : ገድል : ዐቢይ :
 ወለገቢረ : ምግባራት : ሠናይ : በከመ : ይ
 ቤ : እግዚእነ : በወንጌል : አልቦ : ዘይክል :
 መጸአ : ኅቤየ : እመ : አብ : ዘፈነወኒ : ኢ
 ሰሐቦ : ኅቤየ :: ዝንቱሰ : አቡነ : አረጋዊ :
 ተስሕበ : በሐብለ : ፍቅሩ : ለክርስቶስ : ወ
 ክህለ : ዘንተ : ገድለ : ወጥኖ : ወፈጽሞ ::
 ይእዜኒ : ተማሕፀነ : በጸሎቱ : ያድኅነነ :
 ለሰይጣን : እመሥገርቱ : ወይዕቀባነ : ከ
 መ : ኄር : ኖላዊ : ለመርዔቱ : ወትረ :
 እስከ : ለዓለመ : ዓለም : አሜን :: ::

፪፫

ወሶበ : ርእየ : አቡን : አረጋዊ : ከመ :
 በዝጉ : ደቂቁ : ወኮን : ጉልቆሙ : ፰፻ :
 ሤመ : ሎሙ : መጋቤ : በበማጎበሩ : ለ
 ቤተ : ምንዳድ : ለአብስሎ : ወእለ : ያቁር
 ቡ : ማእደ : ለጊዜ : ድራር ። ወቦ : እለ : ይ
 ትጌበሩ : ለግብረ : ማሕረፅ : ወቦ : እለ :
 ያአምሩ : ከ.ነ : ወተግባረ : ወጽሑፊ : ወ
 ለኩሎሙ : ይኤዝዘመ : ለለተግባሮሙ ።
 ወሀለወት : አሐቲ : ገንኦ : ብርት : ዘታ
 ገምር : ፯ መሣልስተ : ለጸብጎ : ማጎበር :
 ወያቁርቡ : ለለሰርክ : በጊዜ : ማእድ ።
 ወአዘዘመ : ይግበሩ : ጸሎተ : እምቅ
 ድመ : ይጥዐሙ : እክለ : በቃለ : መ
 ዝሙር : ወእምድጎረ : ፈጸሙ : ማእደ :
 ያነብብ : ወይፌክር : ሎሙ : መጻሕፍ
 ተ : ከመ : ይፅቀቡ : ትሕትና : ወፍቅረ :
 ወየውሀተ : ጸመ : ወጸሎተ : ወተሐርሞ :

ወትዕግሥተ ፤ ዘንተ ፡ ነሎ ፡ ወዘይመስ
 ሎ ፡ ሠርዐ ፡ ሎሙ ፡ ሥርዐተ ፡ ማኅበር ፡
 በከመ ፡ ተምህረ ፡ እምቤተ ፡ ጳውሎስ ፡
 ወቴዎድሮስ ፡ አበዊሁ ፤ ሥርዐተ ፡ ማኅበ
 ርሰ ፡ ወጽሒፍ ፡ ወፅኦ ፡ እምቤቱ ፡ ለአቡ
 ነ ፡ አረጋዊ ፡ እስመ ፡ ውእቱ ፡ መምህረ ፡
 ሕግ ፡ ወሥርዐት ፡ ጠቢብ ፡ ወማእምር ።
 ለቅዱስሰ ፡ አቡነ ፡ አረጋዊ ፡ አስተርአዩ ፡
 እግዚእነ ፡ ጊዜ ፡ መንፈቀ ፡ ሌሊት ፡ ወወ
 ሀቦ ፡ ኪዳነ ፡ ወይቤሎ ፡ ናሁ ፡ ተሰምዐ ፡ ጸ
 ሎትከ ፡ ኅቤዩ ፡ ወመጻእኩ ፡ ኅቤከ ፡ ከመ ፡
 አስተፍሥሕከ ፡ ወአፍልስከ ፡ እምጻማ ፡
 ውስተ ፡ ዕረፍት ፡ ወእምሐዘን ፡ ውስተ ፡
 ትፍሥሕት ፡ ወእምኅሳር ፡ ውስተ ፡ ክብር፤
 በእንተ ፡ ዘመነንከ ፡ ዓለመ ፡ ኅላፊተ ፡ ወ
 መንግሥተ ፡ ኅላፊተ ፡ አነ ፡ እሁበከ ፡ መ
 ንግሥተ ፡ ሰማያት ፡ ዘኢይበሊ ፡ ወኢይማ

ስን : ወህደንተ : ዘመነንክ : ቀጠንተ : አ
 ልባሰ : ዘወርቅ : አን : አለብሰክ : ዘዐይን :
 ኢርእየ : ወእዝን : ኢሰምዐ : ውስተ : ል
 በ : ሰብእ : ዘኢተኅለየ ፤ ወህደንተ : ዘመነ
 ንክ : ሀገረክ : አን : እሁበክ : ኢየሩሳሌም፣
 ሰማያዊተ : ወህደንተ : ዘመነንክ : አብያ
 ተ : ዘየኅልፍ : አን : እሁበክ : አብያተ :
 ብርሃን : ዘኢየኅልፍ ። ወዘገብረሂ : ተ
 ዝካረክ : ወተአመነ : በጸሎትክ : አን : እሁ
 ቦ : ሞገሰ : በቅድመ : መላእክትየ : ወለ
 ዘጸሐፈ : መጽሐፈ : ገድልክ : ወለዘአጽ
 ሐፎሂ : በአሚን : ወዘተርጎሞ : አን :
 እጽሕፍ : ስሞ : ውስተ : መጽሐፈ : ሕይወ
 ት : ወለዘአጽገበ : ርኅብ : ወዘአስተየ :
 ጽሙአ : አን : አበልዖ : ኅብስተ : ሕይወ
 ት : ወአሰትየ : ጽዋዐ : መድኅኒት : ወዘ
 አምስሐ : ርኅብ : በዕለተ : ተዝካርክ : አ

ነ : አመስሐ : በቀዳሚት : ምሳሕ : ዘ ፲፱
 ዓመት ። ወዘጸለዩ : ጸሎተ : በውስተ :
 መርጡልክ : በዕለተ : ተዝካርክ : እሰም
 ያ : ጸሎቶ : ወስእለቶ : ፍጡነ : ወለዘሐ
 ነጸ : ቤተ : ክርስቲያንክ : አነ : እሁቦ :
 አብያተ : ብርሃን : ፲ ወ፪ ። ለዘሂ : አንበ
 ሮ : ውስተ : ቤቱ : ለዝንቱ : መጽሐፈ :
 ገድልክ : በተአምኖ : ኢይባእ : ውስተ :
 ቤቱ : ብድብድ : ኢሞተ : ሰብእ : ወእን
 ስሳ : ወኢጥፍአተ : እክል ። ወዘአንበበ :
 ለዝንቱ : መጽሐፈ : ገድልክ : በጥቡዕ :
 ልብ : ወዘሰምያሂ : በአሚን : ዘእንበ
 ለ : ሀኬት : አነ : አድጎኖ : እምኰሉ :
 ምንዳቤሁ : ወዘያበውእ : መባአ : አው :
 ዕጣነ : አው : ቅብአ : አው : ዘይተ : አነ :
 አበውእ : ውስተ : መንግሥትዩ ፤ ወንጉ
 ሥሂ : ዘይሁብ : ቀጠንተ : አልባሰ : ወ

ያከብር : መካኒክ : አነ : አከብሮ : በመ
ንግሥትዮ : ወእጼግዎ : ግረተ : ፀር : ወ
ዳጎና : ወሰላመ : ምስለ : መኳንንቲሁ :
ወአነውኅ : መዋዕሊሁ : በዲበ : ምድ
ር ፤ እምኑሉሰ : ዘየዐቢ : ኢይቀርበከ :
ጽላሎተ : ሞት : ወኢያደነግፀከ : መል
አከ : ሞት : ወትትከበት : ከመ : ሂኖክ :
ወኤልያስ : ነቢያትዮ ። ለእምከ : እድና :
እንተ : ቀበርካ : በእደዊከ : ይትከበት :
መቃብሪሃ : ወኢይትረአይ : ለመኑሂ : ከ
መ : ኢይትቀበር : ሰብእ : በላዕሌሃ : እ
ስከ : አመ : አነሥአ : በትንሣኤ : ሕይወ
ት ። ለዛቲኒ : መቅደስከ : እሬስያ : ክብር
ተ : ወትኩን : መቃብረ : ለነገሥት : ወለ
ጳጳሳት ። ወሶበ : ዘንተ : ተናገሮ : እግዚ
እነ : ለአቡነ : አረጋዊ : ወይቤሎ : አባ :
ክቡር : እመ : ረከብኩ : ሞገሰ : በቅድ

ሜክ : አብሐኒ : እንብብ : እግዚአ : ወይ
 ቤሎ : እግዚእነ : በል : ንብብ : ወሰአ
 ል : እምኔየ : ዘፈቀድክ : አፍቁርየ ። ወ
 ይቤ : ዘንተ : ኩሎ : ዘወሀብከኒ : ይትአ
 ኩት : ወይሴባሕ : ስምክ ፤ ዘገብረ : ተዝ
 ካርየ : ወጸሐፈ : መጽሐፈ : ገድልየ : ወ
 ዘጸውዐ : ስምየ : ወዘተአመነ : በጸሎ
 ትየ : እስክ : እስፍንቱ : ትውልድ : ትም
 ሕሮ ፤ ወይቤሎ : መድኅኒነ : እስክ : ፲ወ
 ፮ ትውልድ : እምሕሮ : ለክ ። ወይቤሎ :
 አቡነ : አረጋዊ : እመሰ : ነገሥት : ወ
 ጳጳሳት : ክቡራን : ይትቀበሩ : ባሕቲቶ
 ሙ : ኢርቱዕ : አላ : ረሲ : ይትቀበር : በ
 ቱ : ኩሉ : ዘነፍስ : ወይኩን : ምስካየ :
 ለነዳያን : ወለምስኪናን : ወለእንላ : ማ
 ውታ : ለዕዉራን : ወለሐንካሳን : እስ
 መ : አነ : ነግድ : ወፈላሰ : ውስተ : ዛቲ :

ሀገር ። ወይቤሎ ፡ እግዚአን ፡ ይኩን ፡ በከ
 መ ፡ ትቤ ፡ ወአውሥኦ ፡ አቡን ፡ አረጋ
 ዊ ፡ ወይቤሎ ፡ ለመድኅኒን ፡ ዘሂ ፡ ተቀብ
 ረ ፡ ውስተ ፡ መቅደስየ ፡ እመኒ ፡ ዘቅሩብ ፡
 ወእመኒ ፡ ዘርሐቅ ፡ ወሞተ ፡ በንስሐ ፡ ኅ
 ድግ ፡ ሎቱ ፡ እግዚአ ፡ ኃጢአቶ ፡ ወ
 ይቤሎ ፡ መድኅኒን ፡ ዘተቀብረ ፡ በርእ
 ሰ ፡ ደብር ፡ ባሕቲቱ ፡ ዘሂ ፡ ተቀብረ ፡
 በታሕተ ፡ ደብር ፡ ዘሂ ፡ ተቀብረ ፡ በው
 ሣጤ ፡ መቅደስከ ፡ ይሰረይ ፡ ሎቱ ፡ አበ
 ሳሁ ፡ ወይኩን ፡ ለከ ፡ ዓሥራተ ። ወይቤ
 ሎ ፡ አቡን ፡ አረጋዊ ፡ ባርክ ፡ እግዚአ ፡ ዛ
 ተኒ ፡ መቅደሰ ፡ ወእለየኅድሩ ፡ ውስቴታ ፡
 ወይቤሎ ፡ ትኩን ፡ ቡርክተ ፡ ዛቲ ፡ መቅደ
 ስከ ፡ ወኢይትኅጣእ ፡ ሰብእ ፡ እምኔሃ ፡ ወኢ
 ይጥፋእ ፡ ማኅቶታ ፤ ሥጋየ ፡ ወደምየ ፡ ይ
 ኩን ፡ ጥሉለ ፡ ወሥመረ ፡ ወውኩፈ ፡ በ

ቅድሚያ ። ወይቤሎ ፡ አቡን ፡ ባርክ ፡ ዛ
 ተሂ ፡ ማኅበረ ፡ ወኩሎሙ ፡ ደቂቅዩ ፡ ቅ
 ዱሳን ፡ ወትኩን ፡ ቡርክተ ፡ ዛቲ ፡ ማኅበ
 ር ፡ ምስካዩሙ ፡ ለነዳያን ፡ ወምጽጋቦሙ ፡
 ለርጉባን ፡ ወምልባሶሙ ፡ ለዕሩቃን ። እ
 ሉሂ ፡ ቅዱሳን ፡ ይኩኑ ፡ አእላፈ ፡ አእላፋ
 ት ፡ ከመ ፡ ጥፃ ፡ ባሕር ፡ ወከመ ፡ ከዋክብ
 ተ ፡ ሰማይ ፡ ከመ ፡ ያዕቆብ ፡ ስፋሐ ፡ አዕ
 ፀቅ ፡ ወብዙን ፡ ዘርእ ፡ ወኢይቅረብ ፡
 ኅቤሆሙ ፡ ደዌ ፡ እኩይ ፡ ወኢሕማመ ፡
 ብድብድ ። ወይቤሎ ፡ አቡን ፡ አረጋዊ ፡
 ባርክ ፡ ዛተኒ ፡ በዐተ ፡ ማኅደርዩ ፡ እን
 ተ ፡ ቆምኩ ፡ ምስሌክ ፡ ወነሣእኩ ፡ ኪዳ
 ነ ፡ በውስቴታ ፡ ወይቤ ፡ ትኩን ፡ ቡር
 ክተ ፡ እንተ ፡ ቆማ ፡ ባቲ ፡ እገሪክ ፡ ዛ
 ቲ ፡ ምድርክ ፡ ትኩን ፡ ፈውሰ ፡ ወመድኅኒ
 ተ ፡ ለኩሉ ፡ ዘተቀብአ ፡ ነሢአ ፡ መሬታ ፡

፹፩

ወእመኒ : ዘቦ : ሕማም : ይሠወር : ሎቱ :
 ደዌሁ : ዘሂ : ጸሮ : ተአሚኖ : ይደኅን :
 እምደ ዌ : ወእምብድብድ : ነኪር : ወያር
 ኢ : ተአምረ : ቦቱ : ዘተቀብአ : እምኔ
 ሁ : ለዓለመ : ዓለም : አሜን ። ወዘንተ :
 እምደኅረ : ይቤሎ : ወሀቦ : ሰላመ : ወዐ
 ርገ : ውስተ : ሰማይ : ወተፈሥሐ : ቅዱ
 ስ : አቡን : አረጋዊ : በእንተ : ዘወሀቦ :
 ዘንተ : ነሎ : ኪዳን ። ወሶበ : ጸብሐ :
 ጸውዖ : ለማትያስ : ረድኡ : እስመ : ው
 እቱ : ያፈቅሮ : እምነሎሙ : አርዳኢ
 ሁ : ወይቤሎ : በዛቲ : ሌሊት : አስተርአ
 የኒ : እግዚእ : ወወሀበኒ : ኪዳን ፤ ወነገሮ :
 ነሎ : ዘይቤሎ : ወዘከመ : ወሀቦ : ኪዳ
 ነ : ከመ : ይጽሐፍ : ወይኩን : ተዝካረ :
 ለትውልደ : ትውልድ : ዘንተ : ኪዳን :
 ወዘንተ : ገድለ ። ወሶበ : ሰምዐ : ማትያስ :

፹፪

ረድእ ፡ አንከረ ፡ ወተፈሥሐ ፡ በእንተ ፡
 ዝንቱ ፡ ነገር ፡ ወይቤሎ ፡ አቡነ ፡ አረጋ
 ዊ ፡ ሐር ፡ ጸውዕ ፡ አኅዊከ ፡ ነሎሙ ።
 ወሐረ ፡ ወአስተጋብአሙ ፡ ኅበ ፡ ቤተ ፡
 ክርስቲያን ፡ ወተወሀቡ ፡ ሰላመ ፡ በበይና
 ቲሆሙ ፤ አቡነሂ ፡ ክቡር ፡ ወፅአ ፡ እምበ
 ዐቱ ፡ ወነበረ ፡ ማእከለ ፡ ወመሀሮሙ ፡
 በከመ ፡ ያለምድ ፡ ወድኅረ ፡ ይቤሎሙ ፡
 እምይእዚሰ ፡ ኢትሬእዩኒ ፡ በሥጋ ። ወሶ
 በ ፡ ሰምዑ ፡ አኅው ፡ በከዩ ፡ ብካዩ ፡ መሪ
 ረ ፡ ወወድቁ ፡ ታሕተ ፡ እገሪሁ ፡ ለቅዱስ ፤
 ወአንሥአሙ ፡ ወይቤሎሙ ፡ ኢትፍር
 ሀ ፡ ወኢትደንግፁ ፡ አንሰ ፡ አማሕፀንኩክ
 ሙ ፡ ኅበ ፡ ክርስቶስ ፡ አምላኪዩ ። ወይቤ
 ልዎ ፡ ለመኑ ፡ ተኅድገነ ፡ ከመ ፡ ንኩን ፡
 እንለ ፡ ማውታ ፡ ወይቤሎሙ ፡ ኅበ ፡ ክር
 ስቶስ ፡ ሰማያዊ ፤ አነኒ ፡ አሐውር ፡ ኅበ ፡

፹፫

እግዚአብሔር ፡ አምላኪያ ፡ ወይኩንክ
 ሙ ፡ ማትያስ ፡ ኖላዌ ፡ ህዩንቴየ ። ወሶ
 በ ፡ ሰምዐ ፡ ማትያስ ፡ ወድቀ ፡ ታሕተ ፡
 እገሪሁ ፡ ወዐውየወ ፡ ወይቤ ፡ አንሰ ፡ ኢ
 ይክል ፡ በዊአ ፡ ውስተ ፡ ዝንቱ ፡ መልእክ
 ት ፡ ዐቢይ ፤ ወገሠጸ ፡ አቡነ ፡ ወይቤሎ ፡
 አርምም ፡ ወዘንተ ፡ ብሂሎ ፡ ቦአ ፡ ውስ
 ተ ፡ በዐቱ ። ወአቡነ ፡ አረጋዊ ፡ በዝ
 ጎ ፡ ዘመኑ ፡ ወበጽሐ ፡ ለርሥእና ፡ ወኮኖ ፡
 ፯ ወ ፪ ዓመት ። ወጊዜ ፡ ነግሀ ፡ ርእዮ ፡
 ቀዊሞ ፡ እንዘ ፡ ይገብር ፡ ጸሎተ ፡ እንዘ ፡
 ይትሐዘዐ ፡ ልቡ ፡ ለማትያስ ፡ አይ ፡ ጊዜ ፡
 ይሰወር ፡ እምኔሆሙ ፡ ወተመይጠ ፡ ወገ
 ብአ ፡ ኅበ ፡ ነበረ ፡ ቀዲሙ ፡ ከመ ፡ ይግበ
 ር ፡ ጸሎተ ፡ ወካዕበ ፡ ተመይጠ ፡ በ ፫ ሰዓ
 ት ፡ ወበጽሐ ፡ ኅበ ፡ በዐቱ ፡ ወኢረከዐ ፡ እ
 ስመ ፡ ተሰወረ ፡ ወኢረከበ ፡ ዘእንበለ ፡

መስቀል : ወምርጉዝ : ባሕቲቱ ። ወነገ
 ሮሙ : ለአኅዲሁ : ወዐውዩዉ : ወበከዩ :
 ብከዩ : መሪረ : ወአኅዙ : መስቀለ : ወም
 ርጉዝ : ወሰዐሙ : ወመሰሎሙ : ዘረከቡ :
 ኪያሁ ። ወኮነ : ተሰውሮቱ : አመ : ፲
 ወ፬ : ለወርኅ : ጥቅምት : በሠርቀ : ዕብራ
 ውያንሰ : አመ : ፲ ወ ፩ : ለወርኅ : ታስሪ
 ን : በመዋዕሊሁ : ለገብረ : መስቀል : በሰ
 ላመ : እግዚአብሔር ፤ ጸሎቱ : ወበረከ
 ቱ : ወሀብተ : ረድኤቱ : ወጻግ : ንግድቱ :
 ይዕቀበነ : ወይትማሕፀነነ : ወይትኖለወነ :
 ለዓለመ : ዓለም ። ወእምድኅረ : ፈጸሙ :
 ላሐሙ : ነገሮሙ : ማትያስ : ነሎ : ዘተ
 ውሀበ : ሎቱ : ኪዳነ : እምኅበ : እግዚአ
 ብሔር ። ወሶበ : ሰምዑ : ዘንተ : ተፈሥ
 ሐ : ዐቢዩ : ፍሥሐ : ወአእኩትዎ : ለእግ
 ዚአብሔር : ወተመይጠ : ሐዘኖሙ : ው

ስተ : ትፍሥሕት : ወሶቤሃ : አምጽኡ :
ክርታሰ : ወቀለመ : ወጸሐፉ : መጽሐፈ :
ገድሉ : ወኪዳኑ : ዘነገርዎሙ : ማትያስ :
ወዮሴፍ : ከመ : ይኩን : ረባሐ : ለእለ :
ይሰምዕዎ ፤ ነሎሰ : ዘገብረ : ኢተጽሕ
ፈ : ከመ : ኢይኩን : ዝንጋዔ : ለሰማ
ዕያን : ወንስቲት : ተጽሕፈ : እምኔሁ :
በአምጣን : ይትከሀል ፤ ወተዘከሩ : ሥር
ዐተ : ዘሠርዐ : ሎሙ : ከመ : ይንበሩ : በ
ሥርዐተ : ማኅበር : ወአትሐቱ : ርእሶሙ :
ለማትያስ : እበ : መንፈሶሙ : ዘወሀቦሙ : አ
ቡሆሙ : አረጋዊ : ወገብኡ : ኅበ : ገቢረ :
ተዝካሩ : ለአቡሆሙ ። ወበ ሷ ዕለት : ገብ
ሩ : ዐቢዩ : በዓለ : ወርእዩ : ተአምረ : ዐ
ቢዩ ፤ እምድኅረ : በልዑ : ዐቢይ : ወንኡ
ስ : መልአ : ነሎ : ወኮን : ከመ : ቀዳሚ ።
ወሶበ : ርእዩ : ዐቢዩ : በረከተ : ዘወረደ :

ላዕሌሆሙ : አንከሩ : ወአእከቡትዎ : ለእ
 ግዚአብሔር : ወእስከ : ዮም : ሀለወት :
 ይእቲ : በረከት : ውስተ : ቤተ : ማኅበ
 ር :: ወይቤ : ፩ እምደቂቁ : ርኢክዎ :
 ለማር : አረጋዊ : እንዘ : ይቆድስ : ቀር
 ባን : ወያቀርባን : ለኩልን : እለ : ተጋባእ
 ነ : ለገቢረ : ተዝካሩ : እመኒ : ታሕተ : ወ
 እመኒ : ላዕለ : እለ : ሀለውን : ለአንስት :
 ወለተባዕት : ንኡሳን : ወዐቢያን : እንበለ :
 ተሌልዮ :: ወካዕበ : ይቤ : ካልኡኒ : ርኢ
 ክዎ : አነኒ : እንዘ : ይፌትት : ኅብስተ :
 ወይሁብ : በሪክ : ለኩሉ : ቀዊሞ : ውስ
 ተ : ማእድ :: ወ፩ሰ : መነኮስ : በዓለ :
 ጽሙና : ድንግል : ወንጹሕ : ወመስተጋ
 ድል : ሶበ : አንበርዎ : ይንግሮሙ : ዘርእ
 የ : ወስሙ : ለውእቱ : መነኮስ : አባ : ብ
 ንያሚ : ከሠተ : አፉሀ : ወይቤሎሙ : ር

ኢክዎ : ለአቡነ : አረጋዊ : ተዐጊፎ :
 ሞጣሕተ : ብርሃን : ወተቀጸሎ : አክሊ
 ለ : ዘያበርሀ : እምነ : ፀሓይ : ምስብዒተ :
 ዘያንፀበርቅ : ወዘየሀይድ : ዐይነ ፤ ወበረ
 ከ : ላዕለ : ነሉ : ሕዝብ : ጉቡኣን : እለ :
 አፍአ : ወውስጥ : ወነሥአ : በእዴሁ : ቀ
 ለመ : ወርቅ : ወአስተጋብአመ : ለነሉ
 መ : ደቂቁ : መነኮሳት : ወጸሐፈ : ውስ
 ተ : ፍጽሞመ : በዝየ : ወበሀየኒ : ውስ
 ተ : አዕማዲሃ : ለኢየሩሳሌም : ወእምዝ :
 ተሰወረ : እምኔየ ። ወበእንተዝ : ተፈሥ
 ሐ : እስመ : ረከቡ : ዐቢየ : ተስፋ : ዘአሰ
 ፈዎመ : በዘርእየ ። ወሶበ : ሰምዐ : ንጉሥ :
 ገብረ : መስቀል : ከመ : ተሰወረ : አቡነ :
 አረጋዊ : መጽአ : ኅበ : ደብር : ቅዱስ : ወ
 ዐርገ : ወተአምኒ : ምስለ : መነኮሳት :
 ወነገርዎ : ዘኮነ : ወዘርእዩ ፤ አንከረ : ወ

አስተወገደ፡ ወበከዩ ፡ አንብዐ ፡ መሪረ ፡ በ
እንተ ፡ ፍቅሩ ፡ ወተአምኖቱ ፡ ለብፁዕ ፡ አ
ቡን ፡ አረጋዊ ፡ ወአስተጋብአ ፡ ነሎ ፡ ሰ
ብአ ፡ ዘቅሩብ ፡ ወዘርሐቅ ፡ ወጳጳሰኒ ፡ ዘሀ
ለወ ፡ ምስሌሁ ፡ ወቆመ ፡ ታሕተ ፡ እገሪ
ሁ ፡ ለማትያስ ፡ ዘነበረ ፡ ውስተ ፡ መንበሩ ፡
ሀየንቴሁ ፡ ቀኒቶ ፡ ሐቋሁ ፡ ወይቤ ፡ ንጉ
ሥ ፡ ወሀብኩ ፡ ምድረ ፡ እገላሃ ፡ ቈላሃ ፡
ወደጉዐሃ ፡ እመረብ ፡ እስከ ፡ ጉርጉር ፡
ወበግሎ ፡ መከዳ ፡ ኒ አሀጉር ፡ ወበብ
ሌንሂ ፡ ኒ አሀጉር ፡ መተራ ፡ ወባረካ ፡ ወ
ሀገረ ፡ ጽዮት ፡ ወዘግሎ ፡ መከዳ ፡ በራሕ
ቶ ፡ ቤተ ፡ ኖበይት ፡ በቅሎ ፡ ወዕፅ ፡ ማዕ
ሬ ፡ ገለባ ፡ ወሀም ፡ ወበዳ ፡ ዕረካ ፡ ገና
ድፍ ፡ ወአሐቲ ፡ ሀገር ፡ ዘትሰመይ ፡ ምጋ
ርያ ፡ ፀምር ፡ ወአሐቲ ፡ ሀገር ፡ ዘትሰመ
ይ ፡ ይሃ ፡ ዘንተ ፡ ወሀበ ፡ ንዲጎ ፡ ግብ

፹፱

ረ : ቤተ : መንግሥት : ከመ : ይኩን :
 ሲሳዩ·መ· : ለመነኮሳት : ወለመባኦ :
 ቤተ : ክርስቲያን : ወከመ : ይኩን : ተዝ
 ካሮ : ለአቡነ : አረጋዊ :: ወአምጽአ :
 ንጉሥ : ገብረ : መስቀል : ጳጳሰ : ወ
 አውገዝ : ከመ : ኢይባኡ : ላዕሌሆን :
 ኢመከጋንን : ወኢቃለ : ነጋሢ : ወኢሥ
 ዩመ : ሀገር : ዘቅሩብ : ወዘርሑቅ ፤ አ
 ዘዘ : ወአውገዝ : ከመ : ኢይቅረቡ : ኅቤሃ :
 ወይቤ : ከማሁ : ይግበሩ : እለ : እምድኅ
 ሬዩ : እስመ : ነጥሎመ : መንፈሰ : እግዚአ
 ብሔር : ቦመ : ከማዩ :: ወካዕብ : ይቤ :
 አዕባይናሃ : ወአክበርናሃ : ለዛቲ : መካን :
 ከመ : ደብረ : ታቦር : ወከመ : ደብረ : ሲ
 ና ፤ አክሱምሂ : ቤተ : መንግሥትን : ዳሞ
 ሂ : ቤተ : ጸሎትን : ለዓለመ : ዓለም :: ወ
 ቅዱስሰ : ማትያስ : ጸንዐ : ወኅዩለ : ቡብዝ

ጎ : ገድል : ወጻማ : ወበተሐርሞ : እም
 ጣዕመ : መባልዕት : ወያቴሕት : ርእሶ :
 ለኩሉ : ወይትኤዘዝ : ለቤተ : ማኅበር :
 ከመ : ቀዲሙ : ወይሚህር : በቃለ : መ
 ዝሙር : ወበቃለ : ወንጌል : ከመ : ርኢዮ
 ሙ : አኅዊሁ : ይቅንኡ : ለምግባሪሁ : ወ
 ይትልዉ : አሠረ : ዚአሁ :: መነኮሳትሰ :
 በዝኑ : ፈድፋደ : እንዘ : ይትዌሰኩ : ለለ
 ጽባሐ :: ውእቱሰ : ማትያስ : ኮነ : ስሙዐ :
 ዜና : በኅበ : ኩሉ : ወይሚህር : ቃለ :
 ሃይማኖት : ወእሙንቱኒ : ይሰምዑ : ቃ
 ለ : ዚአሁ : ወይትዌከፍዎ : በጽድቅ :: ወ
 ጸለዩ : ቅዱስ : ማትያስ : ምስለ : አኅው :
 ኅቡረ : ከመ : በኩሉ : ይዜከሩ : ቃለ : እ
 ግዚአብሔር : ወእምድኅረ : ፈጸሙ : ጸ
 ሎተ : አተዉ : ውስተ : መኃድሪሆሙ :
 እንዘ : ያጰነግሉ : ዘእምውስተ : መጻሕ

ፍት : ወይትናገሩ : ወይዜክሩ : ለለ ፩ :
 ዘከመ : ተብሀለ : ወአልቦ : እንከ : ዘይከሥ
 ት : አፋሁ : ወኢ ፩ እምኔሆሙ : ከመ :
 ይትናገር : ቃለ : ፅሩዐ : ወነገረ : ዘርቅ :
 ለዓለም : አላ : ዘተምህሩ : ያነብቡ : ወየኅ
 ሥሡ : ፍሬሁ : ወአስተራትዖ : ዘበእንተ :
 ምግባራት : በከመ : ፈቃዱ : ለእግዚአ
 ብሔር ። ወአልቦ : ዘይበውእ : ውስተ :
 ቤተ : ካልኡ : ከመ : ይርአይ : ዘኮነ : ወአ
 ልቦ : ዘያፈደፍድ : ልብሰ : ለርእሱ : ዳእ
 ሙ : ሊቀ : ማኅበር : የዐቅብ : ውስተ :
 ፩ ቤት : እስከ : አመ : የንፅቡ : ዘይለብ
 ሱ : ወካዕበ : ይነሥኡ : ወይዌልጡ : በ
 መባሕተ : ሊቀ : ማኅበር ። ወአልቦ : ዘ
 ይሬእዩ : ብሩረ : ወወርቀ : ወኢ ካልአ : ን
 ዋየ : ውበዙኃን : እለ : ሞቱ : እንዘ : ኢ
 ይሬእዩ : ዘንተ : ዘእንበለ : እለ : ይትለኦ

ኩ : ለመካን ፤ እልክቱሂ : ኢይእኅዝዎ :
በእደዊሆሙ : ለእመ : ቦኢ : ውስተ : ም
ኔት : አላ : ይሚጥውዎ : ለመጋቢ ። ወቅዱስ
ሰ : ማትያስ : ፈጸሞ : ነሎ : ሕገ : ምንነ
ስና : በከመ : ተምህረ : እምአቡሁ : አረጋዊ :
አዕረፈ : አመ : ፳ : ለታኅሣሥ : በሰላመ :
እግዚአብሔር ። ወእምድኅሬሁ : አቀ
ሙ : አቡነ : ዮሴፍ : ወእምድኅሬሁ : አ
ባ : መድኅኒነ : እግዚእ : ከመ : ይኩን : አ
ባ : ሀዩንቴሁ ፤ ጸሎቱ : ወበረከቱ : ለዝን
ቱ : ጸድቅ : ይዕቀበነ : ወይትማሕፀነነ :
ወየሀሉ : ምስሌነ : ለዓለመ : ዓለም ።
ወእምድኅረ : ጉንዱይ : መዋዕል : በዘመ
ኑ : ለአባ : ዮሐኒ : ሳብዕ : መምህር : ው
እቱ : ሐነጹ : ሎቱ : ደቂቁ : ቤተ : ክርስ
ቲያን : ውስተ : አፈ : በዐት : ከመ : ይኩ
ን : መቃብሪሆሙ : ለመነኮሳት : ወምም

ሕፃን ፡ ለሦሎ ፡ እለ ፡ ይነሥኡ ፡ መሬተ ፡
 ጎበ ፡ ቆማ ፡ እገሪሁ ፡ ለቅዱስ ፡ አረጋዊ ፡
 ወአርአዩ ፡ ተአምረ ፡ በላዕሌሃ ፡ ወይፌ
 ውስ ፡ ድዉያን ፤ ዘጎድጎድ ፡ ጎቤሃ ፡
 ወዘተቀብአ ፡ እምኔሃ ፡ የሐዩ ፡ እምደዌ
 ሁ ። ወእምድጎረዝ ፡ መጽአ ፡ አባ ፡ ኢየ
 ሱስ ፡ ሞአ ፡ ወይቤሎ ፡ ለአባ ፡ የሐኒ ፡ አ
 ልብሰኒ ፡ አባ ፡ አስኬማ ፡ ዘመነኮሳት ፡
 ወሶቤሃ ፡ አልበሶ ፡ ወነበረ ፡ ብዙጎ ፡ መዋዕ
 ለ ፡ እንዘ ፡ ይትኤዘዝ ፡ ለመምህሩ ፡ ወ
 ተምህረ ፡ ጽሕፈተ ፡ ወኮን ፡ መፍቀሬ ፡
 ጽሙፍ ፡ ወጸሎት ፡ ወነበረ ፡ ባሕተቱ ፡ በ
 ማእከለ ፡ ጸድፍ ፡ ወጸሐፊ ፡ ወንጌለ ፡ በ
 ህዩ ፡ ወእስከ ፡ ይእዜ ፡ ህለወ ፤ ወሐረ ፡ ወገ
 ብአ ፡ ሀገረ ፡ እንተ ፡ ስማ ፡ ሐይቅ ። ወበ
 ህዩ ፡ ኮን ፡ አበ ፡ ብዙኃን ፡ መነኮሳት ፡ ወ
 በጎዳጥ ፡ መዋዕል ፡ መጽአ ፡ አቡን ፡ ተክ

ለ : ሃይማኖት : ለቢሶ : ልብሰ : ሐራ : እ
 ምኅበ : አባ : ኢየሱስ : ሞአ : ፈቂዶ : ከ
 መ : ይሑር : ኢየሩሳሌም : ወበጽሐ :
 ደብረ : ዳሞ : ቅድስት : ኅበ : ሀሎ : አባ :
 ዮሐኒ :: ወሶበ : ርእዮ : አፍቀሮ : ወሰዐ
 ሞ : ወዜነዎ : በእንተ : ምጽአቱ : ወይቤ
 ሎ : መጻእኩ : ከመ : ታልብሰኒ : አስኬ
 ማ : ወቆብዐ : ወእፈቅድ : ከመ : እሑር :
 ኅበ : መቃብረ : እግዚእነ :: ወይቤሎ : አ
 ባ : ዮሐኒ : ሐዊረሰ : ኢይመስለኒ : አላ :
 ሀለወክ : ትኩን : አበ : ብዙኃን : በዝየ ::
 ወባሕቱ : ለእግዚአብሔር : ንንግር : ኅ
 ቡረ : ከመ : ያርእየነ : ፍኖተ : ሠናየ ::
 ወወሀቦ : አስኬማ : ወቆብዐ : ወነበሩ : ኅ
 ቡረ : እንዘ : ይፀመዱ : ጸሎተ :: አቡነሰ :
 አባ : ተክለ : ሃይማኖት : ይገብር : ተክ
 ምረ : ወመንክረ : ወነበረ : ምስሌሁ : ለአ


ቡን : ዮሐን : መጠን : ፲ ወ ፪ ዓመት ። ወ
 ገብአ : ኅበ : ኢየሱስ : ሞአ : ነሢአ : አስ
 ኬማ : ወቆብዐ : እስመ : እንበለ : ይንሣ
 እ : አስኬማ : ወቆብዐ : ወፅአ : እንበይን :
 ጸሀቀ : ጽድቅ : አፍቂሮ : ጽሙና : ወብ
 ሕታዌ ። ውእቶሙሰ : ኢየሱስ : ሞአ : ወ
 አባ : ተክለ : ሃይማኖት : ስፋሓን : አዕፁ
 ግ : ወወለዱ : ከዋክብተ : ብሩሃን : ወብ
 ዙኃን : ከመ : ኖፃ : ባሕር : ወመልእዋ :
 ለምድረ : አዜብ ። ወእምድኅረ : ሐይወ :
 ብዙኅ : መዋዕለ : በሥርዐተ : አቡሁ : አ
 ረጋዊ : አዕረፈ : አባ : ዮሐን : አመ : ፱ :
 ለግንቦት : ወአቀመ : ህዩንቴሁ : አባ : ከ
 መ : ይኩን : ኖላዌ : ዘስመ : ዘኢየሱስ ።

ተፈጸመ : ገድሉ : ወተአምሪሁ : ለብእ
 ሴ : እግዚአብሔር : ቅዱስ : ወብፁዕ : አቡ
 ነ : አረጋዊ : አባ : ብዙኃን : ደቂቅ : ከመ :

ያዕቆብ፡ ስፉሐ፡ አዕፁቅ፡ ዘመልአ፡ አዝርእ
 ቲሁ፡ በኢትዮጵያ፡ እምዕራብ፡ እስከ፡ ም
 ሥራቅ፡ ዘይትነብብ፡ አመ፡ ፲ ወ ፬፡ ለጥቅ
 ምት፡ በሰላመ፡ እግዚአብሔር፡ አሜን ። ጸ
 ሎቱ፡ ወበረከቱ፡ ወሀብተ፡ ረድኤቱ፡ ወጸ
 ማ፡ ንግድቱ፡ ወትዕግሥቱ፡ ለብእሴ፡ እ
 ግዚአብሔር፡ አቡነ፡ አረጋዊ፡ ወበረከተ፡
 ኩሎሙ፡ ቅዱሳነ፡ ሮም፡ አኅዊሁ፡ ወበረከ
 ቱ፡ ለገብረ፡ ክርስቶስ፡ ዘኅብረ፡ በዓለ፡ ምስ
 ሌሁ፡ ወበረከታ፡ ለእግዝእትነ፡ ማርያም፡
 ወላዲተ፡ አምላክ፡ ወበረከተ፡ ኩሎሙ፡
 ነቢያት፡ ወሐዋርያት፡ ጸድቃን፡ ወሰማ
 ዕታት፡ የሀሉ፡ ምስለ፡ ኩሎሙ፡ ደቂቀ፡
 ዳሞ፡ ዐቢይ፡ ወንኡስ፡ ወምስለ፡ ኩል
 ነ፡ እለ፡ ተጋባእነ፡ ለገቢረ፡ ተዝካሩ፡
 ወበዓሉ፡ ወለሰሚዐ፡ ገድሉ፡ ወምስለ፡
 ኩሎሙ፡ እለ፡ መጽኤ፡ እምቅሩብ፡ ወእ

ምርሐቅ : ለዓለመ : ዓለም : አሜን ። ለኩ
 ልክሙ : እለ : ዝዩ : ሀለውክሙ : ዮም : በ
 ዛቲ : ዕለት : ቅድስት : ዕለተ : ተዝካሩ : ለ
 አቡነ : ሮማዊ : እለ : ታነብቡ : ወትሰም
 ዑ : ክርስቶስ : አምላክነ : ይረሲክሙ :
 ድልዋነ : ምስለ : ጎሩያኒሁ : ወቅዱሳኒሁ :
 በይእቲ : ዕለት : ግርምት : ወድንጋዪ :
 ዕጽብት : ወጸጋሁ : ለእግዚእነ : ኢየሱስ :
 ክርስቶስ : ዘመጽአ : ለመድኅኒትነ : ወተ
 ዐገሠ : ስቅለተ : ወሞተ : በእንቲአነ : ወ
 ከዐወ : ደሞ : ቅዱስ : በዘቦቱ : ተሣዩጠነ :
 ይትወከፍ : ጸሎታቲክሙ : ወምሥዋዔ
 ቲክሙ : ወንስሓክሙ : ወይትወከፍ :
 ቊርባናቲክሙ : ወጽንሓሓቲክሙ : ወ
 ይርዳእክሙ : በዕለተ : ተጋድሎክሙ :
 ወይስማዕ : አስተብቊዖተክሙ : ወየሀብ
 ክሙ : ምግባራተ : ብሩሃተ : ወአክሊላተ :

ምስጋና ፡ ወይኅፅብ ፡ ርስሐተክሙ ፡ ወ
 ይጸጉክሙ ፡ ትዕግሥተ ፡ ወተጋንዮ ፤ ወይ
 ረሲክሙ ፡ ድልዋነ ፡ ለአምልኮቱ ፡ ወይጸ
 ጉክሙ ፡ እምበረከታቲሁ ፡ ወያኅድር ፡
 ላዕሌክሙ ፡ ጸጋሁ ፡ ወያቅርብክሙ ፡ ኅ
 በ ፡ ሥምረቱ ፡ ወያድኅንክሙ ፡ እምኩሉ ፡
 መከራ ፡ ወመንሱት ፡ ወሕማማት ፡ ወያግ
 ብአ ፡ ለዘተሀጉለ ፡ እምኔክሙ ፡ ወይሚጠ
 ሙ ፡ ለነጋድያን ፡ ኅቤክሙ ፡ በዳኅን ፡ ወበ
 ሰላም ፡ ወየሀብክሙ ፡ እግዚአብሔር ፡ ኑ
 ዛዜ ፡ በሐዘናት ፡ እንተ ፡ ትመጽእ ፡ ላዕ
 ሌክሙ ፡ በኅይለ ፡ መስቀሉ ፡ ለእግዚእነ ፡
 ኢየሱስ ፡ ክርስቶስ ፡ ሎቱ ፡ ስብሐት ፡ ወላ
 ዕሌነ ፡ ይኩን ፡ ምሕረቱ ፡ ለዓለመ ፡ ዓለ
 ም ፡ አሜን ፡።



Prezzo L. **3,50.**